

Tsab Ntawv Ceeb Toom txog Kev Tiv Thaiv Raws Tus Txheej Txheem rau Leej Niam Leej Txiv

Hmov Tshua Txog Tsoom Niam Tsoom Txiv:

Koj tau txais Tsab Ntawv Ceeb Toom txog Kev Tiv Thaiv Raws Tus Txheej Txheem (Tsab Ntawv Ceeb Toom) no vim tias koj tus tub los sis tus ntshais (tus tub ntshais kawm) tau raug xa mus rau qhov kev ntaus nqi xyuas los sis tab tom tau txais kev pab cuam kev kawm tshwj xeeb nyob rau tam sim no. Yog tias koj tus tub ntshais kawm muaj cai tsim nyog tau txais kev kawm tshwj xeeb, ces lub cheeb tsam tsev kawm yuav tsum tau muab qhov kev kawm pub dawb rau zej tsoom uas tsim nyog uas hom kheev muab hu ua FAPE. Txhawm rau muab qhov FAPE, lub cheeb tsam tsev kawm yuav tsum tau ua hauj lwm koom tes nrog koj. Koj yuav yog ib tug neeg nyob rau hauv pab pawg IEP uas yuav txiav txim siab txog koj tus tub ntshais kawm tej kev xav tau tshwj xeeb thiab tsim ib qho program kev kawm ua leej neeg los sis [IEP](#), rau koj tus tub ntshais kawm.¹ Txoj IEP yuav tsum muab cov lus qhia uas haum rau koj tus tub ntshais kawm tej kev xav tau tshwj xeeb thiab muaj cov kev pab cuam txhawb pab txaus los pab kom koj tus tub ntshais kawm muaj kev nce qib fab kev kawm yam muaj txiav ntsig thiab pab kom koj tus tub ntshais kawm tau txais txoj kev paub thiab kev txawj ntse, suav nrog tej yam uas tsim nyog rau kev loj hlob fab kev sib raug zoo thiab kev xav raws li qhov uas cia siab tseg raws lub sijhawm thiab kev loj hlob uas tsim nyog. Txhua yam kev pab cuam kev kawm tshwj xeeb uas txheeb xyuas tau rau koj tus tub ntshais kawm yuav tsum tau siv tsoom hmv pob nyiaj los them yam koj tsis tau them nqi dab tsi hlo li. Tag nrho txhua tus tub ntshais kawm hauv Commonwealth lub laj txheej kev kawm rau zej tsoom, suav nrog cov tub ntshais kawm xiam oob qhab, muaj cai tau txais lub hmv tsam los kawm cov ntaub ntawv uas tsim tawm los ntawm cov qauv kev kawm hauv Massachusetts cov moj khaum ntaub ntawv kev kawm. Massachusetts kuj tseem muab txoj cai rau txhua tus neeg los txais FAPE rau nws cov tub ntshais kawm uas muaj kev xiam oob qhab uas mus nkag kawm rau hauv cov tsev kawm ntawv ntiav uas yog yus them yus nyiaj, thiab cov uas nrhiav cov kev pab cuam kev kawm tshwj xeeb rau zej tsoom.

Tag nrho [Lub lav thiab tsoom hmv teb chaws cov cai lij choj](#) muaj cov cai uas cov cheeb tsam tsev kawm yuav tsum tau ua raws thaum txiav txim siab tias seb ib tug tub ntshais kawm twg puas muaj cai tsim nyog tau txais kev kawm tshwj xeeb thiab, yog tias muaj cai tsim nyog, ces seb tus tub ntshais kawm yuav tau txais cov kev pab cuam twg. Tsis tas li xwb, cov cai lij choj no kuj tseem teev cov txheej txheem ntshaws los ua kom ntseeg tau tias tus tub ntshais kawm yeej tau txais FAPE lawm nyob rau ncuaj sijhawm tag nrho uas nws muaj cai tsim nyog tau txais kev kawm tshwj xeeb. Kev kawm tshwj xeeb yog ib suam uas cov nyom heev thiab raug tswj hwm ntawm txoj cai lij choj hais txog kev kawm. Cov ntsiab lus qhia ntshaws hauv txoj cai lij choj yog txhawm rau tiv thaiv koj tus tub ntshais kawm thiab pab ua kom ntseeg tau tias nws yeej tau txais cov kev pab cuam kev kawm tsim nyog lawm. Koj tuaj yeem tau txais kev pab ntau ntshais kom muaj kev nkag siab txog tus txheej txheem kev kawm tshwj xeeb los ntawm koj lub tsev kawm ntawv lub chaw ua hauj lwm saib xyuas kev muab lus qhia, Massachusetts Department of Elementary and Secondary Education (DESE), cov chaw hauj lwm rau cov leej niam leej txiv ntawm cov tub ntshais kawm uas muaj kev xiam oob qhab, thiab cov chaw hauj lwm saib xyuas kev kawm tshwj xeeb ntiag tug. Cov ntaub ntawv los ntawm cov chaw no yuav pab koj ua hauj lwm koom tes nrog koj lub cheeb tsam tsev kawm kom ntseeg tau tias koj tus tub ntshais kawm yeej tau txais cov kev pab cuam kev kawm tsim nyog lawm. DESE luam tawm cov ntaub ntawv ntau yam rau cov niam cov txiv thiab cov cheeb tsam tsev kawm nyob rau hauv nws

¹ Saib Phau Ntawv Qhia Txog Tus Txheej Txheem IEP hais txog rau cov ntaub ntawv qhia txog txoj hau kev tsim thiab siv tus tub ntshais kawm txoj IEP.

Cov Vev Xaib Is Taws Nem. [Daim Phiaj Teev DESE Cov Vev Xaib](#) yog muaj nyob rau tom qab kawg ntawm Tsab Ntawv Ceeb Toom no.

Tsab Ntawv Ceeb Toom no muab cov ntaub ntawv tseem ceeb rau koj hais txog koj txoj cai los koom nrog kev npaj txoj phiaj xwm rau koj tus tub ntxhais kawm txoj kev kawm tshwj xeeb. Kev tiv thaiv raws tus txheej txheem yog cov cai tshwj xeeb uas ua kom ntseeg tau tias koj yeej paub txog yam uas lub cheeb tsam tsev kawm tab tom yuav ua (“tau txais tsab ntawv ceeb toom”), pom zoo nrog lub cheeb tsam tsev kawm txoj phiaj xwm (“muab kev pom zoo tso cai los ntawm leej niam leej txiv”) thiab muaj lub hwv tsam ntau zaub los daws tej kev tsis pom zoo nrog lub cheeb tsam tsev kawm (“tus txheej txheem sib hais raws kev ncaj ncees”). Kev Tiv Thaiv Raws Tus Txheej Txheem hauv txoj cai lij choj kuj tseem muab ntau yam kev tiv thaiv ntau ntawv uas tau teev tseg hauv daim ntawv no tib si thiab.

Daim ntawv no, Tsab Ntawv Ceeb Toom txog Kev Tiv Thaiv Raws Tus Txheej Txheem rau Leej Niam Leej Txiv, yuav teb cov lus nug hauv qab no:

1. ["Kev ceeb toom ua ntej yam sau ua ntaub ntawv" yog dab tsi thiab koj yuav tau txais nyob rau thaum twg?](#) Nplooj 3
2. ["Kev pom zoo tso cai los ntawm leej niam leej txiv" yog dab tsi thiab thaum twg lub cheeb tsam tsev kawm yuav tsum tau thov koj li kev pom zoo tso cai?](#) Nplooj 4
3. [Lub cheeb tsam tsev kawm puas yuav tsum tau ntaus nqi xyuas raws li leej niam leej txiv thov tuaj?](#) Nplooj 7
4. ["Kev ntaus nqi xyuas kev kawm ywj pheej" yog dab tsi?](#) Nplooj 8
5. [Koj yuav tuaj yeem saib koj tus tub ntxhais kawm cov ntaub ntawv zwm tau thaum twg?](#) Nplooj 9
6. [Cov niam cov txiv thiab cov tsev kawm ntawv yuav tuaj yeem hais daws cov teeb meem tsis sib haum xeeb li cas?](#) Nplooj 10
7. [Koj txoj kev thaj tsob yog dab tsi yog tias koj muab koj tus tub ntxhais kawm tso kawm rau hauv lub tsev kawm ntawv ntiav?](#) Nplooj 18
8. [Yam uas yuav tsum tau ua los npaj rau koj tus tub ntxhais kawm txoj kev hloov pauv los ntawm lub tsev kawm ntawv yog muaj dab tsi?](#) Nplooj 19
9. [Lub tsev kawm ntawv yuav rau txim rau tus tub ntxhais kawm uas muaj kev xiam oob qhab li cas?](#) Nplooj 20
10. [Yuav tuaj yeem nrhiav tau cov cai lij choj thiab cov kev cai thiab lwm yam ntaub ntawv tseem ceeb nyob qhov twg?](#) Nplooj 22

Koj yuav tau txais Tsab Ntawv Ceeb Toom no yam tsawg kawg ib xyoo ib zaug yog tias koj tus tub ntxhais kawm raug txheeb xyuas tias muaj cai tsim nyog tau txais kev kawm tshwj xeeb. Koj puav leej tuaj yeem thov ib daim ntawv theej ntawm koj lub cheeb tsam tsev kawm tau txhua lub sij hawm los sis los ntawm DESE. Daim ntawv no yog muaj nyob rau ntawm DESE tus vev xaib ntawm <https://www.doe.mass.edu/specialeducation/families/prb/default.html>.

1. Kev Ceeb Toom Ua Ntej Yam Sau Ua Ntaub Ntawv Yog Dab Tsi Thiab Koj Yuav Tau Txais Nyob Rau Thaum Twg? 34 CFR §300.503

Lub cheeb tsam tsev kawm yuav tsum tau sau ib tsab ntawv ceeb toom rau koj thaum nws xav ua, los sis tsis kam ua cov kauj ruam los txheeb xyuas koj tus tub ntxhais kawm, ntaus nqi xyuas koj tus tub ntxhais kawm, muab kev pab cuam tshwj xeeb rau koj tus tub ntxhais kawm, los sis hloov koj tus tub ntxhais kawm qhov program. Tsoom hwnv teb chaws cov cai muab qhov no hu tias "tsab ntawv ceeb toom ua ntej yam sau ua ntaub ntawv." Tsab ntawv ceeb toom yam sau ua ntaub ntawv yuav tsum:

- Piav qhia txog **yam** uas lub cheeb tsam tsev kawm xav ua los sis tsis kam ua;
- Piav qhia tias **vim li cas** lub cheeb tsam tsev kawm thiaj li xav ua los sis tsis kam ua;
- Piav qhia txog **txoj hau kev** uas lub cheeb tsam tsev kawm tau txiav txim siab los ua los sis tsis kam ua, suav nrog qhia rau koj txog txhua tus txheej txheem kev ntaus nqi xyuas, kev ntsuam xyuas, cov ntaub ntawv zwm tseg, los sis cov ntaub ntawv tshaj qhia uas koj lub cheeb tsam tsev kawm tau siv los txiav txim siab; thiab
- Piav qhia txog lwm yam kev xaiv uas koj tus tub ntxhais kawm Pab Pawg saib xyuas qhov program kev kawm ua leej neeg (IEP) tau muab koj los ntsuam xav thiab cov laj thawj tias vim li cas cov kev xaiv ntawd thiaj li tsis raug lees paub.

Cov cheeb tsam tsev kawm yuav muab cov ntaub ntawv no rau koj uas yog siv cov foos uas DESE tsim tawm los thiab muaj nyob rau hauv DESE tus vev xaib los sis lawv tus kheej cov foos uas muaj tib co ntaub ntawv zoo ib yam.

Koj yuav tau txais tsab ntawv ceeb toom ua ntej yam sau ua ntaub ntawv thaum lub cheeb tsam tsev kawm: xav ua qhov kev ntaus nqi xyuas thawj zaug los sis rov ntaus nqi xyuas dua tshiab; xav ua txoj IEP tshiab

los sis hloov kho; xav hloov kev muab tso kawm, suav nrog kev xav muab hloov qhov chaw tso kawm vim kev raug rau txim; los sis xav xaus cov kev pab cuam kev kawm tshwj xeeb.

Koj kuj tseem yuav tau txais tsab ntawv ceeb toom tib si thiab yog tias lub cheeb tsam tsev kawm ho tshawb nrhiav pom tias tsis muaj cai tsim nyog tau txais cov kev pab cuam kev kawm tshwj xeeb los sis tsis kam ua raws li qhov uas koj tau thov ntsig txog kev ntaus nqi xyuas los sis kev muab kev kawm tshwj xeeb rau koj tus tub ntxhais kawm. Cov ntawv ceeb toom tuaj ntawm lub cheeb tsam tsev kawm yuav tsum tau muab ua koj hom lus los sis lwm hom kev sib txuas lus uas koj siv, tshwj tsis yog yeej tsis muaj peev xwm ua tau li ntawd lawm xwb. Yog tias koj hom lus los sis lwm hom kev sib txuas lus tsis yog hom lus uas muaj ntawv sau, ces koj lub cheeb tsam tsev kawm yuav tsum xyuas kom ntseeg tau tias yeej muab lub tsev kawm ntawv tsab ntawv ceeb toom txhais rau koj ua lus hais lawm los sis los ntawm lwm txoj hauv kev (xws li, ua lus piav tes), thiab koj yeej nkag siab txog cov ntsiab lus ntawm tsab ntawv ceeb toom lawm.

Lub cheeb tsam tsev kawm kuj tseem yuav muab tsab ntawv ceeb toom yam sau ua ntau ntawv rau koj thiab thov koj li kev pom zoo tso cai - los sis daim ntawv tso cai tib si- ua ntej lub cheeb tsam tsev kawm yuav thov siv qhov kev tuav pov hwm kho mob rau zej tsoom (MassHealth los sis Medicaid), los them rau tus tub ntxhais kawm cov kev pab cuam kev kawm tshwj xeeb ua thawj zaug.

Thaum koj tau txais tsab ntawv ceeb toom ua ntej yam sau ua ntaub ntawv, ces koj kuj haj tseem yuav tau txais ib daim ntawv theej ntawm Tsab Ntawv Ceeb Toom txog Kev Tiv Thaiv Raws Tus Txheej Txheem rau Leej Niam Leej Txiv tib si, los sis yog tias koj twb yeej tau txais Tsab Ntawv Ceeb Toom no nyob rau lub xyoo kawm ntawv tam sim no lawm, ces koj yuav tau txais lus qhia tias seb koj yuav tuaj yeem tau txais dua ib daim ntawv theej li cas. Koj kuj tseem yuav tau txais cov ntaub ntawv hais txog tus neeg uas koj yuav tuaj yeem tiv tauj tau txhawm rau thov kev pab kom nkag siab txog tsoom hwmv teb chaws thiab lub lav cov cai lij choj hais txog kev kawm tshwj xeeb tib si thiab.

2. Kev Pom Zoo Tso Cai Los Ntawm Leej Niam Leej Txiv Yog Dab Tsi?

34 CFR §300.9 THIAB 603 CMR 28.07 (1)

Tej zaum lub cheeb tsam tsev kawm yuav tsis muab qhov kev xeeb tshwj xeeb los sis kev pab cuam tshwj xeeb rau koj tus tub ntxhais kawm tshwj kiag tias yog koj yeej pom zoo thiab muab koj daim ntawv “pom zoo tso cai los ntawm leej niam leej txiv” lawm xwb. Lub cheeb tsam tsev kawm yuav tsum tiv tauj koj thiab piav qhia kom meej txog yam uas nws xav ua rau koj tus tub ntxhais kawm. Tom qab ntawd lub cheeb tsam tsev kawm yuav thov kom koj kos npe rau daim foos pom zoo tso cai txhawm rau qhia tias koj yeej pom zoo rau yam uas lub tsev kawm xav ua lawm. Qhov no yog kev muab “kev pom zoo tso cai los ntawm leej niam leej txiv.”

Kev muab koj li kev pom zoo tso cai yog nyob ntawm siab yeem xwb. Koj tuaj yeem thim rov qab, los sis thim, koj qhov kev pom zoo tso cai tau txhua lub sij hawm. Yog koj xav thim koj qhov kev pom zoo tso cai koj yuav tsum tau thov thim yam sau ua ntaub ntawv. Kev thim qhov kev pom zoo tso cai tsuas yog yuav siv tau rau yam uas lub cheeb tsam tsev kawm yuav ua rau yav tom ntej nkaus lawm xwb, tsis tuaj yeem siv tau rau tej yam uas twb yeej tau ua mus lawm. Koj lub cheeb tsam tsev kawm yuav tsis tuaj yeem siv koj qhov kev tsis kam pom zoo tso cai rau ib qho kev pab cuam los sis ib qho dej num twg los ua qhov laj thawj rau kev tsis kam muab lawm yam kev pab cuam, txiaj ntsig, los sis dej num rau koj los sis koj tus tub ntxhais kawm.

Tsis tas yuav tsum tau thov koj li kev pom zoo tso cai ua ntej koj lub cheeb tsam tsev kawm yuav tshuaj xyuas cov ntaub ntawv zwm tseg uas twb yeej muaj lawm uas yog ib feem ntawm kev ntaus nqi xyuas los sis kev rov ntaus nqi xyuas koj tus tub ntxhais kawm dua, muab ib qho ntawv rau koj tus me nyuam xeeb los sis lwm yam kev ntaus nqi xyuas uas yeej muab rau tag nrho txhua tus tub ntxhais kawm yam tsis tas thov kev pom zoo tso cai xws li MCAS los sis cov kev xeeb hauv chaw kawm uas yog ib feem ntawm qhov khoos kas kev kawm nthuav dav, los sis faib qhia cov ntaub ntawv rau tsoom hwmv teb chaws los sis lub lav cov neeg ua hauj lwm saib xyuas kev kawm.

2.1 LUB CHEEB TSAM TSEV KAWM YUAV THOV KOJ LI KEV POM ZOO TSO CAI THAUM TWG?

34 CFR §§ 300.300, 300.154 THIAB 603 CMR 28.07(1)

Lub cheeb tsam tsev kawm yuav thov koj li kev pom zoo tso cai los ntawm leej niam leej txiv nyob rau cov xwm txheej hauv qab no:

Txhawm rau tso cai rau kev ntaus nqi xyuas thawj zaug los txiav txim seb tus tub ntxhais kawm puas yuav muaj cai tsim nyog tau txais kev kawm tshwj xeeb

Lub cheeb tsam tsev kawm tsis yuav tuaj yeem ua qhov kev ntaus nqi xyuas thawj zaug rau koj tus tub ntxhais kawm los txiav txim seb koj tus me nyuam puas yuav muaj cai tsim nyog tau txais kev kawm tshwj xeeb thiab/los sis cov kev pab cuam uas cuam tshuam tau yam tsis tau txais koj li kev pom zoo tso cai ua ntej tso. Yog tias koj tus tub ntxhais kawm raug xa mus ua qhov kev ntaus nqi xyuas, ces lub cheeb tsam tsev kawm yuav tsum tau thov koj li kev pom zoo tso cai rau qhov kev ntaus nqi xyuas tsis pub dhau tsib hnuv kawm ntawv.

Txhawm rau muab kev pom zoo rau cov kev pab cuam thawj zaug

Tom qab ua tiav qhov kev ntaus nqi xyuas thawj zaug lawm, yog tias Pab Pawg Saib Xyuas Qhov Program Kev Kawm Rau Leej Neeg (IEP) txiav txim siab tias koj tus tub ntxhais kawm muaj cai tsim nyog tau txais kev kawm tshwj xeeb, ces Pab Pawg Saib Xyuas IEP yuav muab kev kawm tshwj xeeb thiab cov kev pab cuam uas cuam tshuam thiab muab koj tus tub ntxhais kawm tso mus kawm. Koj yog ib tug neeg nyob rau hauv Pab Pawg Saib Xyuas IEP thiab yuav tsum muab koj li kev pom zoo tso cai ua ntej koj lub cheeb tsam tsev kawm yuav tuaj yeem muab kev kawm tshwj xeeb thiab cov kev pab cuam uas cuam tshuam rau koj tus tub kawm thawj zaug. Yog tias koj tsis pom zoo tso cai, ces lub cheeb tsam tsev kawm yuav tsis tuaj yeem muab kev kawm tshwj xeeb thiab cov kev pab cuam uas cuam tshuam rau koj tus tub ntxhais kawm tau. Koj tuaj yeem lees txais los sis tsis kam lees txais tag nrho los sis ib feem ntawm yam uas yuav ua tau. IEP los sis ib feem twg uas koj lees txais yuav tsum tau pib ua kom sai li sai tau thaum koj lees txais lawm.

Txhawm rau hloov cov kev pab cuam, kev muab tso kawm los sis kev rov ntaus nqi xyuas dua

Thaum koj tau pom zoo rau txoj IEP rau koj tus tub ntxhais kawm lawm, ces lub cheeb tsam tsev kawm yuav tsum tau thov koj li kev pom zoo tso cai ua ntej lub cheeb tsam tsev kawm yuav hloov pauv cov kev pab cuam los sis kev muab koj tus tub ntxhais kawm tso kawm los sis ua qhov kev rov ntaus nqi xyuas dua.² Yog tias koj tsis kam muab koj li kev pom zoo tso cai, ces koj muaj kev thaj tsob los koom nrog lub cheeb tsam rau qhov kev sib tham los hais daws koj qhov kev tsis pom zoo. Yog tias koj twb yeej tau muab kev pom zoo tso cai rau cov kev pab cuam nyob rau yav dhau los lawm thiab tam sim no ho xav thim qhov kev pom zoo tso cai ntawd thiab xav tshem koj tus tub ntxhais kawm tawm los ntawm cov kev pab cuam, ces koj yuav tsum ua li ntawd los ntawm kev sau ua ntaub ntawv. Lub cheeb tsam tsev kawm yuav tsis thov qhib lub rooj sib hais nyob rau ntawm Lub Chaw Hauj Lwm Saib Xyuas Kev Thov Kom Rov Txiav Txim Dua Txog Kev Kawm Tshwj Xeeb (BSEA) txhawm rau kom tau txais kev tso cai los muab kev pab cuam kev kawm los sis txhawm rau rov ntaus nqi xyuas dua rau koj tus tub ntxhais kawm yam tsis muaj koj li kev pom zoo tso cai.

Txhawm rau nkag mus siv cov txiaj ntsig kev tuav pov hwm kho mob rau zej tsoom (MassHealth los sis Medicaid) thawj zaug

Lub cheeb tsam tsev kawm tau txais kev tso cai siv kev tuav pov hwm kho mob rau zej tsoom (MassHealth los sis Medicaid) los them rau qee cov kev pab cuam kev kawm tshwj xeeb uas muaj nyob rau hauv tus tub ntxhais kawm txoj IEP rau cov tub ntxhais kawm uas tau txais kev tuav pov hwm los ntawm qhov kev tuav pov hwm kho mob rau zej tsoom. Ua ntej lub cheeb tsam tsev kawm yuav nkag mus siv MassHealth thawj zaug, lub cheeb tsam tsev kawm yuav tsum tau sau ntawv ceeb toom rau koj tias nws yuav mus thov qhov kev them cov nyiaj rov qab no, thiab yuav thov kom tau txais koj daim ntawv pom zoo tso cai rau qhov no. Tsab ntawv ceeb toom yuav qhia rau koj tias cov kev pab cuam kev kawm tshwj xeeb no yeej ib txwm muab rau koj los sis koj tsev neeg yam tsis tau them nqi hlo li; yuav qhia meej tias koj li kev pom zoo tso cai yuav tsis ua rau muaj kev hloov

² Koj kuj tseem yuav muaj txoj cai soj qab saib koj tus tub ntxhais kawm nyob rau nws qhov program tam sim no thiab soj qab saib qhov program uas xav ua tau tib si ua ntej yuav muab koj tus tub ntxhais kawm tso kawm. Hais txog rau cov ntaub ntawv qhia paub ntau ntxiv, mus saib DESE daim ntawv “Kev Soj Qab Saib Cov Programs Kev Kawm los ntawm Leej Niam Leej Txiv”.

pauv rau koj tus me nyuam cov txiaj ntsig los sis kev muaj cai tsim nyog tau txais MassHealth; yuav piav qhia txog cov ntaub ntawv twg uas hais txog koj tus tub ntshais kawm yuav raug nthuav tawm kom nkag tau mus siv MassHealth; ceeb toom rau koj tias koj tuaj yeem thim koj li kev pom zoo tso cai tau txhua lub sij hawm; thiab ua kom ntseeg tau tias yuav tsis muaj kev hloov pauv rau koj tus tub ntshais kawm cov kev pab cuam los sis qhov program kev kawm tshwj xeeb yog tias koj thim los sis tsis kam muab kev pom zoo tso cai. Yog tias koj rhais chaw nyob los sis koj tus tub ntshais kawm ho mus kawm rau lwm lub cheeb tsam tsev kawm lawm, ces lub cheeb tsam tsev kawm tshiab yuav thov kom koj muab kev pom zoo tso cai dua ib zaug ntshiv.

Txhawm rau zam rau cov neeg ntawm Pab Pawg Saib Xyuas IEP kom tsis tuaj koom Pab Pawg lub rooj sib tham

Cov neeg ntawm Pab Pawg Saib Xyuas IEP yuav tuaj yeem tau txais kev zam tsis tuaj koom Pab Pawg lub rooj sib tham tau yog tias koj pom zoo yam sau ua ntaub ntawv cia ua ntej yuav qhib lub rooj sib tham lawm. Yog tias Pab Pawg yuav sib tham txog tus neeg hauv Pab Pawg uas tsis tuaj koom ntawd suam hauj lwm, ces tus neeg uas tsis tuaj koom ntawd yuav tsum tau muab nws cov lus xam pom sau ua ntaub ntawv cia ua ntej yuav qhib Pab Pawg lub rooj sib tham. Yog tias koj tsis pom zoo zam rau tus neeg ntawm Pab Pawg ces nws yuav tsum tau tuaj koom Pab Pawg Saib Xyuas IEP lub rooj sib tham.

2.2 THAUM TWG YUAV MUAJ KEV THOV KEV POM ZOO TSO CAI LOS NTAWM TUS TUB NTSHAIS KAWM? 34 CFR §300.520 THIAB 603 CMR 28.07 (5)

Raws li Massachusetts txoj cai lij choj, tus tub ntshais kawm yuav nto lub hnub nyoog neeg loj nyob rau nws lub hnub yug kaum yim (18) xyoo. Yog li ntawd, **thaum tus tub ntshais kawm muaj hnub nyoog txwm 18 xyoo lawm**, ces tag nrho txhua txoj cai los txiav txim siab uas koj muaj tam li yog leej niam leej txiv yuav raug hloov mus rau koj tus tub ntshais kawm uas yog neeg loj lawm, tshwj kias tias yog lub tsev hais plaub yeej tau teeb tsa ib tug neeg saib xyuas raws kev cai lij choj rau koj tus tub ntshais kawm los sis koj tus tub ntshais kawm yeej tau sau ntawv qhia tias nws xav ua kev txiav txim siab koom ua ke nrog koj los sis xav kom koj muaj txoj cai txiav txim siab txog nws qhov program kev kawm txuas ntshiv mus. Lub cheeb tsam tsev kawm yuav tsum sib sab laj nrog koj thiab koj tus tub ntshais kawm hais txog qhov kev cuam tshuam ntawm qhov kev hloov txoj cai no yam tsawg kawg ib xyoo ua ntej tus tub ntshais kawm lub hnub yug kaum yim xyoo. Tam li yog leej niam leej txiv ntawm tus tub ntshais kawm uas yog neeg loj uas muaj kev xiam oob qhab, koj tseem yuav tau txais tag nrho txhua yam ntaub ntawv ceeb toom uas xav tau los ntawm lub tsev kawm ntawv txuas ntshiv mus, thiab koj tseem yuav tuaj yeem tshuaj xyuas koj tus tub ntshais kawm cov ntaub ntawv zwm txog kev kawm txuas ntshiv mus, txawm tias koj tus tub ntshais kawm yog tus txiav txim siab txog kev kawm los ntawm nws tus kheej los xij.

2.3 THAUM TWG UAS TUS LEEJ NIAM LEEJ TXIV SAWV CEV RAU KEV KAWM TSHWJ XEEB YUAV TAU LOS MUAB KEV POM ZOO TSO CAI? 34 CFR §300.519 (G) THIAB 603 CMR 28.07 (7)

Yog tias tus tub ntshais kawm nyob rau hauv kev saib xyuas ntawm Department of Children and Families (Feem Hauj Lwm Saib Xyuas Me Nyuam Yaus thiab Tsev Neeg), los sis tsis tuaj yeem txheeb nrhiav tau los sis paub txog qhov chaw nyob ntawm tus tub ntshais kawm leej niam leej txiv los sis tus neeg saib xyuas los sis lawv yeej tau raug txiav txoj cai ua niam ua txiv lawm, ces DESE muaj kev thaj tsob los xyuas kom ntseeg tau tias yuav tsum muaj ib tug neeg laus uas tsis muaj txiaj ntsig dab tsi cuam tshuam los txiav txim siab txog kev kawm tshwj xeeb sawv cev rau tus tub ntshais kawm. Tus neeg no yog yuav muab hu ua leej niam leej txiv sawv cev rau kev kawm tshwj xeeb. DESE yuav txiav txim seb puas tsim nyog los teeb tsa ib leej niam leej txiv sawv cev rau kev kawm tshwj xeeb rau tus tub ntshais kawm. Yog tias teeb tsa, ces leej niam leej txiv sawv cev rau kev kawm tshwj xeeb yuav muaj txoj cai thiab kev thaj tsob zoo ib yam nkaus li leej niam leej txiv tiag-tiag nyob rau hauv cov teeb meem kev kawm tshwj xeeb rau tus tub ntshais kawm.

2.4 KUV YUAV THIM KEV POM ZOO TSO CAI LI CAS? 34 CFR §300.300(b)(4) THIAB 300.9

Yog tias koj yeej tau muab kev pom zoo tso cai rau kev kawm tshwj xeeb thiab cov kev pab cuam uas cuam tshuam lawm thiab tam sim no ho xav thim koj qhov kev pom zoo tso cai, ces koj yuav

tsum tau ua li ntawd los ntawm kev sau ua ntaub ntawv. Koj yuav tuaj yeem thim koj qhov kev pom zoo tso cai rau txhua yam kev kawm tshwj xeeb thiab cov kev pab cuam uas cuam tshuam, rau ib qho kev pab cuam tshwj xeeb los sis kev tso kawm los sis rau lub cheeb tsam tsev kawm siv cov txiaj ntsig MassHealth los sis Medicaid rau koj tus tub ntxhais kawm. Thaum lub cheeb tsam tsev kawm tau txais koj tsab ntawv lawm, lub cheeb tsam tsev kawm yuav xa ib tsab ntawv ceeb toom rau koj uas hais txog qhov kev hloov pauv rau qhov kev muab tso kawm thiab cov kev pab cuam uas tshwm sim los ntawm qhov koj thim kev pom zoo tso cai, yog tias muaj. Thaum koj thim koj qhov kev pom zoo tso cai rau tag nrho txhua yam kev kawm tshwj xeeb thiab cov kev pab cuam uas cuam tshuam, ces lub cheeb tsam tsev kawm yuav tsis tas npaj kom muaj FAPE rau koj los sis kom muaj lub rooj sib tham txog IEP los sis tsim IEP rau koj tus tub ntxhais kawm lawm. Cov cheeb tsam tsev kawm tsis tas yuav tsum tau hloov kho koj tus tub ntxhais kawm cov ntaub ntawv zwm tseg txhawm rau tshem cov ntaub ntawv xa mus rau cov kev pab cuam kev kawm tshwj xeeb vim yog qhov koj thim kev pom zoo tso cai.

3. Lub Cheeb Tsam Tsev Kawm Puas Yuav Tsum Tau Ntaus Nqi Xyuas Raws Li Leej Niam Leej Txiv Thov Tuaj? **34 CFR §300.301 THIAB 603 CMR 28.04**

Tus tub ntxhais kawm yuav tsum tau txais ib qho kev ntaus nqi xyuas yam tiav log thiab txhij txhua los txiav txim seb tus tub ntxhais kawm puas muaj kev xiam oob qhab thiab puas muaj cai tsim nyog tau txais kev kawm tshwj xeeb thiab, yog tias muaj cai tsim nyog, ces txhawm rau pab txiav txim txog qhov kev kawm tshwj xeeb uas tsim nyog thiab cov kev pab cuam uas cuam tshuam uas tej zaum yuav tsim nyog. Cov niam cov txiv uas muaj kev txhawj xeeb txog lawv tus me nyuam txoj kev loj hlob los sis muaj kev xoom xaim txog tias tsam lam muaj kev xiam oob qhab yuav tuaj yeem xa lawv tus me nyuam mus rau qhov kev ntaus nqi xyuas thawj zaug tau. Tsis tas yuav siv cov lus tshwj xeeb rau kev xa mus rau qhov kev ntaus nqi xyuas thawj zaug. Thaum tau txais qhov kev thov kev ntaus nqi xyuas thawj zaug ntawd lawm, lub cheeb tsam tsev kawm yuav tsum xa tsab ntawv ceeb toom mus rau leej niam leej txiv thiab yuav tsum tau thov kev pom zoo tso cai los ntawm leej niam leej txiv txhawm rau ua qhov kev ntaus nqi xyuas. (Lub cheeb tsam tsev kawm yuav tsis tshua muaj lub hwm tsam tsis kam ua qhov kev ntaus nqi xyuas thawj zaug thiab tsuas yog yuav ua li ntawd tau thaum tus leej niam leej txiv los sis lwm tus neeg uas txiav txim siab txog kev xa mus tsis muaj kev xoom xaim txog kev xiam oob qhab los sis tsis muaj kev txhawj xeeb txog tus tub ntxhais kawm txoj kev loj hlob nkaus xwb).

Yog tias tsim nyog, lub cheeb tsam tsev kawm kuj tseem yuav tuaj yeem muab cov ntaub ntawv qhia paub rau leej niam leej txiv hais txog lwm yam kev pab txhawb nqa uas tej zaum yuav haum rau tus tub ntxhais kawm tej kev xav tau ntau dua qub tuaj. Txawm li cas los xij, lub cheeb tsam tsev kawm yuav tsis tuaj yeem tsis kam ntaus nqi xyuas tus tub ntxhais kawm uas tau raug xa mus rau qhov kev ntaus nqi xyuas raws li tau piav qhia saum toj no, uas yog saib raws li qhov program ua ntej xa mus los sis txhawm rau sim ua lwm yam dej num txhawb pab kev qhia los sis rau lwm yam laj thawj. Tsis tas li ntawd, txoj cai lij choj kuj tseem teev kom rov ntaus nqi xyuas dua ua ntus zus txhawm rau xyuas kom ntseeg tau tias tus tub ntxhais kawm tau txais txiaj ntsig los ntawm qhov kev kawm tshwj xeeb thiab yeej tseem xav tau txuas ntxiv mus. Yuav tsum tau thov leej niam leej txiv qhov kev pom zoo tso cai ua ntej yuav ua qhov kev rov ntaus nqi xyuas dua no.

4. Kev Ntaus Nqi Xyuas Kev Kawm Ywj Pheej yog dab tsi?

Kev Ntaus Nqi Xyuas Kev Kawm Ywj Pheej (IEE) yog ib qho kev ntaus nqi xyuas los ntawm ib tug kws tshuaj ntsuam xyuas uas muaj kev paub tsim nyog uas tsis ua hauj lwm rau lub cheeb tsam tsev kawm uas thaj tsob rau txoj kev kawm ntawm koj tus tub ntxhais kawm.

Koj muaj txoj cai thov qhov IEE rau koj tus tub ntxhais kawm los ntawm kev siv tsoom hwy pob nyiaj los them rau yog tias koj tsis pom zoo nrog lub cheeb tsam tsev kawm qhov kev ntaus nqi xyuas. Koj muaj txoj cai thov IEE tau ib zaug rau ib suam kev ntsuam xyuas, rau ib zeeg kev ntaus nqi xyuas. Yog tias koj thov IEE, ces lub cheeb tsam tsev kawm yuav tsum tau muab cov ntaub ntawv qhia paub rau koj hais txog qhov chaw uas koj yuav tuaj yeem mus txais qhov IEE thiab hais txog lub lav cov cai uas siv rau IEE. Hauv Massachusetts, tag nrho cov IEE yog yuav tsum tau ua los ntawm cov neeg uas muaj kev paub tsim nyog uas tau sau npe, tau txais ntawv pov thawj, tau txais ntawv tso cai los sis tau txais lwm yam kev pom zoo thiab cov uas ua raws li cov nqi uas lub lav lub chaw hauj lwm saib xyuas tau teev tseg. Txawm li cas los xij, tej zaum tus tub ntxhais kawm cov xwm txheej tshwj xeeb yuav tuaj yeem yog ib qho laj thawj uas ua rau tus nqi rau qhov kev ntsuam xyuas rau leej neeg yuav siab dua qhov nqi uas ib txwm tso cai.

4.1 THAUM TWG THIAJ LI YUAV UA QHOV KEV NTAUS NQI XYUAS KEV KAWM YWJ PHEEJ LOS NTAWM KEV SIV TSOOM HWV POB NYIAJ LOS THEM?

34 CFR §300.502, M.G.L.C. 71B, § 3 THIAB 603 CMR 28.04(5)

Raws li tsoom hwy teb chaws txoj cai lij choj, koj muaj txoj cai thov kev ntaus nqi xyuas kev kawm ywj pheej rau koj tus me nyuam los ntawm kev siv tsoom hwy pob nyiaj los them tau yog tias koj tsis pom zoo nrog qhov kev ntaus nqi xyuas koj tus me nyuam uas tau txais los ntawm lub cheeb tsam tsev kawm, uas yog nce rau cov xwm txheej hauv qab no:

1. Yog tias koj thov IEE rau koj tus me nyuam los ntawm kev siv tsoom hwy pob nyiaj los them, ces koj lub cheeb tsam tsev kawm yuav tsum tau ua ib yam dab tsi twg hauv qab no yam tsis pub muaj kev qeeb lig tsis tsim nyog:
 - a. thov lub rooj sib hais raws kev ncaj ncees txhawm rau kom pom tias nws qhov kev ntaus nqi xyuas koj tus me nyuam yeej tsim nyog lawm los sis kom pom tias qhov kev ntaus nqi xyuas ywj pheej tsis ua raws li lub cheeb tsam tsev kawm cov cai; los sis
 - b. muab qhov IEE los ntawm kev siv tsoom hwy pob nyiaj los them.
2. Yog hais tias tus tub coj xwm saib xyuas lub rooj sib hais txiav txim siab tias lub cheeb tsam tsev kawm qhov kev ntaus nqi xyuas yeej tsim nyog lawm, ces lub cheeb tsam tsev kawm tsis tas yuav tsum tau them rau qhov kev ntaus nqi xyuas uas koj thov los sis npaj. Txawm li cas los xij, koj yeej tseem muaj cai thov IEE tau los ntawm koj mam li them koj nqi.
3. Koj tsuas muaj cai thov IEE tau ib zaug los ntawm lub cheeb tsam tsev kawm ua tus them nqi txhua zaum uas lub cheeb tsam tsev kawm ua qhov kev ntaus nqi xyuas uas koj tsis pom zoo.

Dua li koj cov cai nyob rau hauv tsoom hwy teb chaws txoj cai lij choj lawm, Massachusetts txoj cai lij choj kuj tseem muaj kev tiv thaiv ntxiv rau cov tub ntxhais kawm thiab cov niam cov txiv ntsig txog IEE tib si thiab. Tshwj xeeb tshaj mas yog, koj tuaj yeem xaiv sib faib them cov nqi IEE raws li tus nqi uas txav mus los tau raws li siab yeem. Raws li lub lav tus tsuam kab no, koj yuav tau txais IEE.

Raws li lub lav tus tsuam kab, koj yuav tau txais IEE uas yog tsoom hwy them tag nrho los sis sib faib them uas yog saib raws li cov nyiaj koj khwv tau los. Yog tias koj xaiv siv lub lav txoj kev xaiv, ces lub cheeb tsam yuav tsis muaj txoj kev xaiv los thov lub rooj sib hais raws kev ncaj ncees txhawm rau kom pom tias nws qhov kev ntaus nqi xyuas koj tus me nyuam yeej tsim nyog lawm. Cov tub ntxhais kawm uas muaj cai tsim nyog tau txais cov puas noj pub dawb los sis luv nqi thiab cov tsev neeg uas khwv tau nyiaj los sis npaug los sis tsawg dua 400% ntawm tsoom hwy teb chaws cov lus qhia txog kev txom nyem yuav muaj cai tau txais IEE los ntawm kev siv tsoom hwy pob nyiaj los them rau. Lwm cov tub ntxhais kawm uas muaj cai tsim nyog tau txais IEE los ntawm kev sib faib them nqi raws li tus nqi uas txav mus los tau. Kev nthuav qhia koj cov ntaub ntawv fab nyiaj txiag rau lub cheeb tsam tsev kawm yog kev yeem ntawm koj tag nrho xwb. Yog tias koj xaiv nthuav qhia cov ntaub ntawv no, ces lub cheeb tsam tsev kawm yuav tsum tau sau ntawv cheeb toom rau koj kiag tam siv tias seb koj puas muaj los sis tsis muaj cai tsim nyog tau txais kev pab nyiaj txiag tag nrho los sis ib feem rau IEE thiab npaj kev them nyiaj rau IEE raws li kev muaj cai tsim nyog tau txais. Koj txoj cai tau txais IEE los ntawm kev siv tsoom hwy

pob nyiaj los them dhau los ntawm kev muaj cai tsim nyog tau txais vim cov nyiaj khwv tau los yuav tau txais kev ncuaj sij hawm mus ntxiv 16 lub hlis txij li hnuv ua lub cheeb tsam tsev kawm qhov kev ntaus nqi xyuas uas koj tsis pom zoo.

Yog tias koj tsis zoo raws li cov cai hais txog kev muaj cai tsim nyog tau txais vim cov nyiaj khwv tau los, xaiv tsis nthuav tawm cov ntaub ntawv fab nyiaj txiag, los sis koj txiav txim siab tsis yeem siv Massachusetts tus tsuam kab rau txhua yam laj thawj, ces lub cheeb tsam tsev kawm yuav tsum txiav txim ua koj qhov kev thov IEE los ntawm kev siv tsoom hwnv pob nyiaj los them raws li tsoom hwnv teb chaws txoj cai lij choj. Tsis pub dhau 5 hnuv kawm ntawv, lub cheeb tsam tsev kawm yuav tuaj yeem pom zoo muab IEE los ntawm kev siv tsoom hwnv pob nyiaj los them los sis thov lub rooj sib hais nyob rau ntawm Lub Chaw Hauj Lwm Saib Xyuas Kev Thov Kom Rov Txiav Txim Dua Txog Kev Kawm Tshwj Xeeb (BSEA) kom pom tias qhov kev ntaus nqi xyuas los ntawm lub cheeb tsam tsev kawm yeej txhij txhua thiab tsim nyog lawm. Cov ntsiab lus qhia ntxaws ntxiv hais txog IEE yog muaj nyob rau hauv DESE Pawg Kws Sab Laj Fab Kev Tswj Hwm Daim Ntawv Teev Txoj Cai Kev Kawm Tshwj Xeeb rau Lub Xyoo Kawm 2024-2025.

Koj yuav tuaj yeem ua qhov kev ntaus nqi xyuas ywj pheej los ntawm koj mam them koj nqi kheej tau txhua lub sij hawm. Koj tuaj yeem muab cov txiaj ntsig tau los ntawm qhov kev ntaus nqi xyuas rau lub cheeb tsam tsev kawm tau. Yog tias koj nthuav qhia cov txiaj ntsig tau los ntawm qhov kev ntaus nqi xyuas rau lub cheeb tsam tsev kawm, ces lub cheeb tsam tsev kawm yuav tsum ntsuam xav txog cov txiaj ntsig tau los ntawm qhov kev ntaus nqi xyuas, yog tias nws zoo raws li lub cheeb tsam tsev kawm cov cai rau IEE, nyob rau txhua yam kev txiav txim siab hais txog kev muab FAPE rau koj tus me nyuam thiab cov txiaj ntsig tau los ntawm qhov kev ntaus nqi xyuas yuav raug coj los siv rau ntawm lub rooj sib hais raws kev ncaj ncees.

4.2 LUB CHEEB TSAM TSEV KAWM YUAV MUAB COV TXIAJ NTSIG TAU LOS NTAWM IEE COJ LOS NTSUAM XAV TSIS PUB DHAU 10 HNUB

Yog tias koj tau txais IEE rau koj tus tub ntxhais kawm los ntawm kev siv tsoom hwnv pob nyiaj los them rau los sis koj sib koom them nrog lub cheeb tsam tsev kawm rau qhov kev ntaus nqi xyuas rau koj tus tub ntxhais kawm uas koj tau txais los ntawm koj them koj nqi kheej, ces koj lub cheeb tsam tsev kawm yuav tsum tau qhib Pab Pawg lub rooj sib tham tsis pub dhau kaum hnuv ua hauj lwm tom qab tau txais cov ntaub ntawv hais txog kev ntaus nqi xyuas yam tsis hais txog tias seb tus tub ntxhais kawm puas muaj los sis tsis muaj IEP. Lub cheeb tsam tsev kawm muaj kev thaj tsob rau kev txiav txim siab txog cov feem xyuam fab kev kawm ntawm IEE. Pab Pawg yuav ntsuam xav txog cov txiaj ntsig tau los ntawm qhov kev ntaus nqi xyuas thiab yog tias muaj, ces yuav txiav txim tias seb tsim nyog yuav muaj dab tsi hloov pauv rau koj tus tub ntxhais kawm txoj IEP los sis tus txheej txheem kev txiav txim txog kev muaj cai tsim nyog txhawm rau ua kom ntseeg tau hais tias yeej muaj kev ntsuam xav raws sij hawm thiab tsim nyog rau yam uas tshawb nrhiav pom los ntawm qhov IEE lawm.

5. Koj yuav tuaj yeem saib koj tus tub ntxhais kawm cov ntaub ntawv zwm tau thaum twg?

34 CFR 300.611 THIAB 603 CMR 23.00

Tus tub ntxhais kawm cov ntaub ntawv zwm tseg yuav xam muaj koj tus tub ntxhais kawm cov qhab nias thiab cov ntaub ntawv zwm tseg ntawm lub tsev kawm ib vuag thiab yuav suav nrog cov ntaub ntawv kho mob, kev xeem, kev ntaus nqi xyuas, cov ntaub ntawv zwm txog kev raug rau txim thiab lwm cov ntaub ntawv zwm hais txog koj tus tub ntxhais kawm qhov kev muaj cai tsim nyog los sis qhov program kev kawm tshwj xeeb.³ Cov ntaub ntawv uas yuav tuaj yeem txheeb qhia tus kheej tau hais txog koj tus tub ntxhais kawm yog tsis pub lwm tus paub thiab yuav tsis tuaj yeem muab nthuav tawm rau lwm tus neeg dhau li ntawm cov xib hwb kws qhia thiab cov tub coj xwm fab kev kawm yam tsis muaj koj li kev pom zoo tso cai.

Koj thiab koj tus tub ntxhais kawm (yog tias koj tus tub ntxhais kawm muaj hnuv nyoog 14 xyoos nce mus)

³ Yog hais tias tus tub ntxhais kawm leej niam leej txiv thim lawv qhov kev pom zoo tso cai rau cov kev pab cuam kev kawm tshwj xeeb tom qab twb yeej tau pib muab cov kev pab cuam no lawm, ces cov cheeb tsam tsev kawm tsis tas yuav tsum tau hloov kho tus tub ntxhais kawm cov ntaub ntawv zwm txhawm rau tshem tawm cov ntaub ntawv hais txog cov kev pab cuam kev kawm tshwj xeeb.

muaj txoj cai saib ib feem thiab tag nrho ntawm tus tub ntxhais kawm cov ntaub ntawv zwm hauv sij hawm 10 hnuv txij li hnuv tau txais koj qhov kev thov thiab uantej txhua lub rooj sib tham txog IEP los sis lub rooj sib hais raws kev ncaj ncees.⁴ Tsis tas li xwb, koj kuj tseem yuav tuaj yeem thov cov ntawv theej ntawm cov ntaub ntawv tau tib si nyob rau tus nqi tsim nyog uas yog tsuas sau kom txaus rau tus nqi muab theej tawm rau koj nkaus xwb. Tej zaum koj yuav tsis tau them nyiaj rau cov nqi uas cuam tshuam nrog kev tshawb nrhiav thiab rub koj tus tub ntxhais kawm cov ntaub ntawv zwm tseg.

Tsis tas li ntawd, koj yuav tuaj yeem ntsib nrog cov neeg ua hauj lwm hauv lub tsev kawm ntawv uas muaj kev paub tsim nyog txhawm rau kom muab cov ntaub ntawv piav qhia rau koj tau. Tsis tas li xwb, koj kuj tseem yuav tuaj yeem kom koj tus neeg sawv cev (tus kws pab tswv yim, tus kws pab sab laj, los sis tus kws lij choj) los kuaj xyuas, tshuaj xyuas, thiab txhais koj tus tub ntxhais kawm cov ntaub ntawv zwm tseg tau tib si thiab yog tias koj muab koj li kev pom zoo tso cai tshwj xeeb yam sau ua ntaub ntawv lawm. Txhua txoj cai cuam tshuam nrog tus tub ntxhais kawm cov ntaub ntawv zwm tseg uas muaj nyob rau hauv Massachusetts Cov Cai Hais Txog Cov Ntaub Ntawv Zwm Txog Tus Tub Ntxhais Kawm 603 CMR 23.00. Cov cai no tuaj yeem mus nrhiav tau ntawm <http://www.doe.mass.edu/lawsregs/603cmr23.html> los sis los ntawm kev thov ib daim ntawv theej ntawm cov cai no los ntawm lub cheeb tsam tsev los sis DESE.

Feem ntau, tsuas yog cov niam cov txiv, cov tub ntxhais kawm uas muaj cai tsim nyog, cov neeg ua hauj lwm hauv lub tsev kawm uas tau txais kev tso cai, thiab lub lav thiab tsoom hwnv teb chaws cov tub coj xwm saib xyuas kev kawm nkaus xwb thiaj li tau txais kev tso cai saib tus tub ntxhais kawm cov ntaub ntawv zwm tseg yam tsis tas muaj kev pom zoo tso cai tshwj xeeb, qhia paub, sau ua ntaub ntawv los ntawm leej niam leej txiv los sis tus tub ntxhais kawm uas yog neeg loj lawm. Tej zaum lub cheeb tsam tsev kawm yuav tsum tau muab qee yam ntaub ntawv rau lub lav thiab tsoom hwnv teb chaws cov tub coj xwm raws li lub tsev hais plaub lo lus txib los sis txhawm rau hais daws cov teeb meem kev noj qab haus huv thiab kev nyab xeeb los sis kev yuam siv kev cai lij choj. Cov ntaub ntawv uas muaj txiaj ntsig hais txog tej no thiab lwm yam teeb meem txog tus tub ntxhais kawm cov ntaub ntawv zwm tseg yog tuaj yeem mus nrhiav tau ntawm <http://www.doe.mass.edu/lawsregs/advisory/cmr23qanda.html>.

6. Cov Niam Cov Txiv Thiab Cov Tsev Kawm Ntawv Yuav Tuaj Yeem Hais Daws Cov Teeb Meem Tsis Sib Haum Xeeb Li Cas?

4 C.F.R. 300.151-300.153, 300.506 – 300.518 THIAB 603 CMR 28.08

Cov niam cov txiv/cov neeg saib xyuas thiab cov cheeb tsam tsev kawm tau txais kev txhawb kom sib cog ua hauj lwm ua ke los daws cov teeb meem kev tsis sib haum xeeb. Tsab Cai Lij Choj Hais Txog Kev Kawm rau Cov Neeg Xiam Oob Qhab (IDEA) Tshooj B, cov cai hais txog kev siv tsab cai no, lub lav cov cai lij choj thiab cov cai hais txog kev kawm tshwj xeeb yuav muab ntau yam kev xaiv rau koj los hais daws kev tsis pom zoo nrog koj lub cheeb tsam tsev kawm los sis lwm lub chaw hauj lwm zej tsoom uas thaj tsob saib xyuas. Cov hauv qab no piav qhia txog cov txheej txheem uas muaj rau cov niam cov txiv/cov neeg saib xyuas thiab cov chaw hauj lwm zej tsoom rau kev hais daws tej kev tsis pom zoo txog tus me nyuam txoj kev kawm tshwj xeeb thiab cov kev pab cuam uas cuam tshuam, suav nrog kev muaj cai tsim nyog tau txais. Cov kev xaiv rau kev hais daws teeb meem tsis sib haum xeeb hauv Massachusetts yog muaj xws li kev sib kho kom haum xeeb, kev ua ntawv hais kev tsis txaus siab rau lub lav nrog DESE Lub Chaw Hauj Lwm Saib Xyuas Lub Laj Txheej Kev Daws Teeb Meem, thiab kev ua daim ntawv thov sib hais raws kev ncaj ncees mus rau Lub Chaw Hauj Lwm Saib Xyuas Kev Thov Kom Rov Txiaj Txim Dua Txog Kev Kawm Tshwj Xeeb. Cov hauv qab no yuav piav qhia txog txhua txoj kev xaiv kom ntxaws tshaj qub ntxiv.

Koj tus tub ntxhais kawm yuav tsum tau nyob twj ywm hauv nws qhov program kev kawm thiab qhov chaw uas muab tso kawm tam sim no thaum muaj kev tsis sib haum xeeb txog kev muab tso kawm los sis kev pab cuam, tshwj kiag tias yog koj thiab lub cheeb tsam tsev kawm ho sib cog pom zoo ua lwm yam lawm xwb, los sis koj tus tub ntxhais kawm qhov kev muab tso kawm ho raug hloov pauv vim yog

⁴ Lub cheeb tsam tsev kawm ntawv tsuas yuav tuaj yeem txwv tsis pub nkag mus saib tus tub ntxhais kawm cov ntaub ntawv zwm tau yog tias nws tau txais cov ntaub ntawv fab kev cai lij choj xws li lo lus txib txwv los sis kev sib nrauj los sis tsab cai hais txog kev saib xyuas uas txwv tsis pub nkag mus saib cov ntaub ntawv hais txog tus tub ntxhais kawm.

[kev raug rau txim.](#)

6.1 KEV COJ QHOV KEV TSIS SIB HAUM XEEB MUS HAIS RAU COV TUB COJ XWM SAIB XYUAS TSEV KAWM HAUV CHEEB TSAM

Kev sib koom tes ua hauj lwm dhau los ntawm kev tsis sib haum xeeb yog ib lub tswv yim zoo los hwj xwm kev sib raug zoo fab kev ua hauj lwm ntawm tsev neeg thiab tsev kawm ntawv. Txhawm rau hais daws kev tsis sib haum xeeb, cov niam cov txiv/cov neeg saib xyuas tau txais kev txhawb nqa kom los sib tham txog lawv tej kev txhawj xeeb nrog lub tsev kawm ntawv thiab cov thawj coj hauv lub cheeb tsam tsev kawm. Qee lub sij hawm kuj yuav yog ib qho nyuaj uas yuav los txheeb xyuas tias seb leej twg thiaj yog tus neeg uas tsim nyog mus tham qhia rau nyob rau hauv lub chaw hauj lawm saib xyuas kev kawm. Cov tib neeg uas tuav lub luag hauj lwm no feem ntau yeej yuav pab cov niam cov txiv/cov neeg saib xyuas txog kev hais daws kev tsis sib haum xeeb:

- Koj tus tub ntxhais kawm tus kws qhia ntawv los sis tus neeg muab kev pab cuam;
- Lub tsev kawm ntawv Tus Thawj Coj los sis Tus Neeg Pab Tus Thawj Coj;
- Tus Thawj Saib Xyuas Kev Kawm Tshwj Xeeb, Tus Neeg Tswj Hwm Kev Kawm Tshwj Xeeb, los sis Tus Thawj Saib Xyuas Cov Kev Pab Cuam Tub Ntxhais Kawm;
- Tus Thawj Saib Xyuas Lub Tsev Kawm (los sis Tus Thawj Coj Lub Tsev Kawm Ntawv Charter, yog tias yog lub tsev kawm ntawv charter).

Koj tuaj yeem nthiav cov ntaub ntawv tiv tauj rau cov tib neeg no tau ntawm koj lub cheeb tsam tsev kawm tus vev xaib los sis hauv cheeb tsam DESE tusv vev xaib profiles qhov chaw txuas [ntawm no](#).

6.2 DESE LUB LAJ TXHEEJ HAIS KEV TSIS TXAUS SIAB MUS RAU LUB LAV

Ib lub chaw hauj lwm los sis ib tug neeg twg, suav nrog cov uas tuaj ntawm lwm lub lav tuaj, yuav tuaj yeem ua ntawv hais kev tsis txaus siab mus rau lub lav hais txog DESE Lub Laj Txheej Kev Hais Daws Teeb Meem (PRS). Txhawm rau kom PRS ua ib qho kev tshawb xyuas, daim ntawv sau hais kev tsis txaus siab mus rau lub lav yuav tsum zoo raws li cov cai tshwj xeeb uas teev tseg nyob rau hauv cov kev cai IDEA Tshooj B. Tsab ntawv sau hais kev tsis txaus siab yuav tsum muaj cov ntaub ntawv tshwj xeeb uas teev tseg hauv cov kev cai IDEA Tshooj B es thiaj li yuav xam tau tias muaj ntaub ntawv txaus. Kev hais kev tsis txaus siab mus rau lub lav yuav tsum muaj xws li:

- Daim ntawv teev nqe lus qhia hais tias lub chaw hauj lwm zej tsoom yeej tau ua txhaum IDEA Tshooj B, nws cov kev cai rau kev siv los sis lub lav txoj cai lij choj los sis cov kev cai hais txog kev kawm tshwj xeeb, txawm tias cov neeg tsis txaus siab tsis tas yuav hais txog cov cai tshwj xeeb ntawm txoj cai lij choj los sis cov kev cai los xij;
- Qhov tseeb uas siv los ua lub cag keeb rau nqe lus qhia no;
- Kev kos npe thiab cov ntaub ntawv tiv tauj rau tus neeg ua daim ntawv hais kev tsis txaus siab mus rau lub lav; thiab
- Yog hais tias qhov kev tsis txaus siab mus rau lub lav yog iab liam tias muaj kev ua txhaum rau ib tug me nyuam yaus tshwj xeeb twg:
 - Lub npe thiab qhov chaw nyob ntawm tus me nyuam;
 - Lub npe ntawm lub tsev kawm uas tus me nyuam mus kawm;
 - Yog tias yog tus me nyuam los sis tus tub ntxhais hluas uas tsis muaj vaj tsev nyob, ces yuav tsum muaj cov ntaub ntawv tiv tauj rau tus me nyuam, thiab lub npe ntawm lub tsev kawm uas tus me nyuam mus kawm;
 - Qho lus piav qhia txog qhov xwm txheej ntawm qhov teeb meem txog tus me nyuam, suav nrog qhov tseeb hais txog qhov teeb meem; thiab
 - Daim ntawv thov txoj hau kev daws teeb meem raws li qhov paub thiab tuaj yeem cia rau txhua tog neeg paub nyob rau lub sij hawm ua ntawv hais kev tsis txaus siab mus rau lub lav.

Kev hais kev tsis txaus siab mus rau lub lav yog yuav tsum iab liam qhov kev ua txhaum cai uas tshwm sim muaj tsis pub dhau ib lub xyos ua ntej PRS tau txais qhov kev tsis txaus siab. Qhov kev tsis txaus siab mus rau lub lav yuav tsum tau ua ntawv mus rau PRS thiab tus neeg los sis lub chaw hauj lwm uas

ua ntawv hais kev tsis txaus siab mus rau lub lav kuj tseem yuav tsum tau xa ib daim ntawv theej ntawm daim ntawv hais kev tsis txaus siab mus rau lub cheeb tsam tsev kawm los sis lwm lub chaw hauj lwm zej tsoom nyob rau tib lub sij hawm.

Txhawm rau pab ua daim ntawv hais kev tsis txaus siab mus rau lub lav, daim foos txais nkag ua es lev thaum niv uas siv rau kev xa daim ntawv hais kev tsis txaus siab mus rau lub lav hauv es lev thaum niv yog muaj nyob rau hauv DESE tus vev xaib ntawm <https://www.doe.mass.edu/prs/>. Dua li daim foos txais nyiaj hauv oos lais, PRS kuj tseem lees txais cov ntawv hais kev tsis txaus siab uas xa los ntawm kev xa fev, xa email, US mail, thiab tus kheej mus xa kiag ntawm cov ntaub ntawv tiv tauj hauv qab no:

Problem Resolution System Office
Massachusetts Department of Elementary and Secondary Education
135 Santilli Highway - Everett, MA 02149
Tus Xov Tooj Loj: 781-338-3700
TTY: N.E.T.Relay: 1-800-439-2370
Fev: 781-338-3710
Email: DESECompliance@mass.gov

Koj tsis tas yuav tsum tau siv DESE daim foos los ua ntawv hais kev tsis txaus siab mus rau lub lav. Txawm li cas los xij, koj qhov kev tsis txaus siab mus rau lub lav tseem yuav tsum muaj cov ntsiab lus uas teev tseg hauv 34 C.F.R. § 300.153(b) thiab raws li tau piav qhia saum toj no es thiaj li yuav xam tau tias muaj ntaub ntawv txaus. Cov qauv daim foos txais nkag yog tau muab txhais ua Lus Arabic, Lus Cape Verde, Lus Suav, Lus Haitian Creole, Lus Khmer, Lus Portuguese, Lus Lav Xias, Lus Xab Pees Niv thiab Lus Nyab Laj, thiab tej zaum yuav tuaj yeem muab txhais ua lwm yam lus raws li kev thov tuaj. Tsis tas li xwb, koj kuj tseem puav leej tuaj yeem hu rau PRS tau tib si ntawm 781-338-3700 txhawm rau kom pab koj ua daim ntawv hais kev tsis txaus siab. Cov txheej txheem ntxaws-ntxaws uas PRS siv thaum lis cov ntawv hais kev tsis txaus siab mus rau lub lav yog muaj nyob rau ntawm: <https://www.doe.mass.edu/prs/>.

Tom qab tau txais tsab ntawv hais kev tsis txaus siab uas zoo raws li qhov uas tau teev tseg saum toj no lawm, ces PRS yuav tsum tawm ib tsab ntawv txiav txim siab uas teev qhia txog qhov tseeb uas tau tshawb pom thiab cov lus sua ntsiab lus tsis pub dhau 60 hnub txij li hnub tau txais qhov kev tsis txaus siab mus rau lub lav, thiab tsuas yuav tuaj yeem txuas sij hawm ntiv 60 hnub tau yog tias:

- Muaj xwm txheej tshwj xeeb tshwm sim rau ib qho kev tsis txaus siab tshwj xeeb twg; los sis
- Leej niam leej txiv thiab cov chaw hauj lwm zej tsoom uas cuam tshuam yeej sib yeem pom zoo txuas lub sij hawm ntiv los sim mus siv kev sib hais sib kho los sis lwm txog hau kev hais daws kev tsis sib haum xeeb uas tau txais kev txhawb nqa los ntawm lub lav.

Thaum lis cov ntawv hais kev tsis txaus siab mus rau lub lav, yam tsawg kawg nkaus PRS yuav:

- Muab lub hwv tsam rau tus neeg tsis txaus siab xa cov ntaub ntawv ntau ntiv hais txog cov lus iab liam hauv qhov kev tsis txaus siab mus rau lub lav, tsis hais yog hais ua lus los sis sau ua ntaub ntawv;
- Muab lub hwv tsam rau lub chaw hauj lwm zej tsoom los muab lus teb rau cov lus tsis txaus siab, suav nrog rau cov lus xam pom rau kev hais daws qhov kev tsis txaus siab thiab muab lub hwv tsam rau txhua tog neeg los sib hais sib kho los ntawm siab yeem raws li 34 C.F.R. § 300.506;
- Mus tshawb xyuas nyob rau ntawm qhov chaw yam ywj pheej, yog pom tau tias tsim nyog;
- Tshuaj xyuas txhua yam ntaub ntawv uas cuam tshuam thiab txiav txim siab yam ywj pheej tias seb lub chaw hauj lwm zej tsoom puas tau ua txhaum cov cai ntawm tsoom hwv teb chaws los sis lub lav cov cai lij choj los sis cov kev cai hais txog kev kawm tshwj xeeb; thiab
- Tawm tsab ntawv txiav txim siab rau tus neeg tsis txaus siab thiab lub chaw hauj lwm zej tsoom uas hais daws txhua qhov kev iab liam hauv qhov kev tsis txaus siab mus rau lub lav thiab sau hais txog qhov tseeb uas tshawb pom thiab cov lus sua ntsiab lus, thiab cov laj thawj uas siv rau PRS qhov kev txiav txim siab qib kawg.

Tsis tas li xwb, qhov kev txiav txim siab kuj tseem yuav teev cov cai hais txog kev muab daws kho kom raug, yog tias tsim nyog, thiab teev cov txheej txheem rau kev ua raws li qhov kev txiav txim siab qib kawg kom tau txais txiaj ntsig zoo, raws li xav tau. Yog hais tias PRS txiav txim siab tias lub chaw hauj lwm zej tsoom yeej tsis

tau muab cov kev pab cuam uas tsim nyog, ces daim ntawv txiav txim siab qib kawg yuav teev yam uas yuav tau ua los daws kho kom raug uas lub chaw hauj lwm zej tsoom yuav tsum tau ua los daws kho qhov kev tsis ua raws cai uas nrhiav pom, muab kev sib kho qib tub ntxhais kawm, los sis ob qho tib si, thiab yuav tsum hais daws:

- qhov ua tsis muab cov kev pab cuam tsim nyog, suav nrog yam uas yuav tsum tau ua los daws kho kom raug uas tsim nyog los hais daws tus me nyuam tej kev xav tau (xws li cov kev pab cuam them nyiaj los sis kev them nyiaj rov qab); thiab
- kev muab kev pab cuam rau tag nrho txhua tus tub ntxhais kawm xiam oob qhab nyob rau yav tom ntej kom tsim nyog.

Yam uas yuav tau ua los daws kho kom raug yuav suav nrog, tab sis tsis txwv rau, kev cob qhia cov neeg ua hauj lwm, cov kev tshaj qhia uas yuav tsum tau ua ntxiv, kev hloov pauv rau txoj cai, nyiaj khoom plig, thiab cov kev pab cuam them nyiaj. Yog tias yog qhov kev tsis txaus siab hais txog ib tug tub ntxhais kawm kheej uas PRS pom tau tias tsis ua raws li txoj cai, ces yam uas yuav tau ua los kho kom raug yuav muaj xws li kev tshuaj xyuas kom tsim nyog (xws li, kev tshuaj xyuas cov ntaub ntawv zwm tseg, thiab lwm yam) ntawm cov tub ntxhais kawm uas zoo sib xws txhawm rau los txiav txim txog qhov uas yuav tsum tau los cuam tshuam pab raws lub laj txheej ntxiv los ntawm Feem Hauj Lwm, yog tias muaj.

Txhua tog neeg tau txais kev txhawb nqa kom sib cog ua hauj lwm ua ke txuas ntxiv los daws cov kev tsis sib haum xeeb, suav nrog nyob rau thaum tab tom ncuat tos qhov kev tsis txaus siab mus rau lub lav. Kev ua ntawv hais kev tsis txaus siab mus rau lub lav nrog PRS yuav tsis txwv tsis pub koj siv lwm txoj hau kev daws teeb meem, xws li kev sib kho kom haum xeeb, los sis kev sib hais raws kev ncaj ncees nyob rau ntawm Lub Chaw Hauj Lwm Saib Xyuas Kev Thov Kom Rov Txiax Txim Dua Txog Kev Kawm Tshwj Xeeb (li piav qhia hauv qab no) txhawm rau los hais daws koj tej kev txhawj xeeb.

Yog qhov kev tsis txaus siab mus rau lub lav kuj tseem yog ib feem ntawm lub rooj sib hais raws kev ncaj ncees uas muaj ntau yam teeb meem uas muaj yam tsawg kawg ib qho nce mus yog ib feem ntawm lub rooj sib hais raws kev ncaj ncees, ces PRS yuav tsum tso tseg txhua feem ntawm qhov kev tsis txaus siab mus rau lub lav uas tab tom koj mus hais rau hauv lub rooj sib hais raws kev ncaj ncees kom txog rau thaum tau txais lo lus sua ntsiab lus los ntawm lub rooj sib hais raws kev ncaj ncees. Txawm li cas los xij, txhua qhov teeb meem hauv qhov kev tsis txaus siab mus rau lub lav uas tsis yog ib feem ntawm lub rooj sib hais raws kev ncaj ncees yuav tsum tau txais kev hais daws los ntawm kev siv lub sijhawm thiab cov txheej txheem uas tau piav qhia saum toj no. Yog tias muaj ib qho teeb meem tshwm sim rau qhov kev tsis txaus siab mus rau lub lav uas twb tau muab txiav txim tag yav dhau los hauv lub rooj sib hais raws kev ncaj ncees lawm, uas cuam tshuam rau cov tog neeg qub, ces yuav tau siv qhov kev txiav txim los ntawm lub rooj sib hais koj los khi, thiab PRS yuav tsum ceeb toom qhia rau tus neeg tsis txaus siab txog qhov txiaj ntsig ntawd.¹

6.3 KEV THOV KOM TEEB TSA TUS NEEG SIB KHO UAS COJ NCAJ NRUAB NRAB.

[Kev sib kho](#)⁵ yog ib qho kev pab cuam uas muab los ntawm ib tug neeg coj ncaj nruab nrab uas tau txais kev cob qhia txog txoj cai lij choj hais txog kev kawm tshwj xeeb thiab cov hau kev sib tham sib kho. Kev sib kho yog tuaj yeem teem caij tau txhua lub sij hawm uas cov niam cov txiv thiab cov tsev kawm ntawv muaj kev tsis pom zoo txog cov teeb meem kev kawm tshwj xeeb, txawm tias muaj kev hais kev tsis txaus siab dhau los ntawm PRS Lub Laj Txheej Kev Hais Daws Teeb Meem. Tus neeg sib kho yuav pab leej niam leej txiv thiab lub cheeb tsam tsev kawm los sib tham txog lawv qhov kev tsis sib haum xeeb thiab nrhiav kom tau txoj hau kev daws teeb meem uas ob tog tuaj yeem lees txais tau. Tej kev sib tham thaum lub sij hawm sib kho yog yuav tsis pub lwm tus paub thiab tsis tuaj yeem yuav muab ib yam dab tsi uas ib tog neeg twg tau hais coj los siv tau rau yav tom qab yog tias ho coj qhov kev tsis sib haum xeeb mus rau qhov kev sib hais plaub raws cai los sis kev sib ua plaub hauv tsev hais plaub lawm. Yog tias ho muaj kev sib cog pom zoo lawm, ces yuav muab sau ua ntaub ntawv tseg, ob tog neeg yuav kos npe rau, thiab tej zaum yuav raug yuam siv los ntawm lub tsev hais plaub.

Kev sib kho yog tuaj yeem ua tau los ntawm kev hu rau BSEA ntawm 781-397-4750. Tus neeg sib kho yuav teem caij ntsib koj thiab lub cheeb tsam tsev kawm tsis pub dhau 30 hnuv txij hnuv tau txais daim ntawv thov kev sib kho. Cov rooj sib tham yuav tuaj yeem qhib nyob rau lub sij hawm thiab qhov chaw uas muaj kev yooj yim. Kev koom nrog yog nyob ntawm siab yeem, yog li tag nrho lub cheeb tsam tsev kawm thiab cov niam cov txiv yuav tsum pom zoo koom nrog qhov kev sib kho. Tsis muaj kev sau nqi dab tsi rau cov kev pab cuam no.

Cov ntaub ntawv ntau ntiv hais txog tias seb kev sib kho yuav ua hauj lwm li cas yog muaj los ntawm BSEA 781-397-4750 thiab tuaj yeem nrhiav tau hauv lawv cov ntawv luam tawm [“Cov Lus Nug Uas Nquag Nug hais txog Kev Sib Kho”](#) thiab [Kawm paub txog Kev Sib Kho ntawm BSEA](#).⁶

6.4 THOV LUB ROOJ SIB HAIS RAW S KEV NCAJ NCEES THIAB KOOM NROG LUB ROOJ SIB THAM DAWS KHO TEEB MEEM

Yog tias koj thiab lub cheeb tsam tsev kawm tsis tuaj yeem sib cog pom zoo tau, ces koj yuav muaj cai thov kom muaj ib tug tub coj xwm saib xyuas kev sib hais uas coj ncaj nruab nrab thiab ncaj ncees los mloog ob tog lus txog qhov kev tsis sib haum xeeb, mloog cov lus tim khawv, tshuaj xyuas cov pov thawj, thiab txiav txim. Lub rooj sib hais no yog BSEA ua tus nqua hu thiab muab hu ua lub rooj sib hais raws kev ncaj ncees. BSEA tus tub coj xwm saib xyuas lub rooj sib hais yeej tau txais kev cob qhia txog txoj cai lij choj hais txog kev kawm tshwj xeeb thiab yuav tsum tsis txhob muaj kev sib raug zoo ntiag tug los sis kev sib raug zoo fab kev ua hauj lwm nrog koj los sis lwm tus neeg uas muaj feem xyuam nrog qhov kev tsis pom zoo.

Lub rooj sib hais mloog kev ncaj ncees yuav ntsuam xav txog tej kev tsis sib haum xeeb hais txog kev muaj cai tsim nyog tau txais; kev ntaus nqi xyuas; cov IEP; tej kev txiav txim txog kev muab tso kawm, suav nrog cov uas tshwm sim los ntawm kev raug rau txim; FAPE; kev muab kev kawm tshwj xeeb; los sis tej kev tiv thaiv raws tus txheej txheem ntawm lub lav thiab tsoom hwv teb chaws txoj cai lij choj rau cov tub ntxhais kawm xiam oob qhab. Koj yuav tsum tau ua ntaub ntawv thov lub rooj sib hais tsis pub dhau ob xyoos txij li thaum koj tau paub, los sis tsim nyog yuav tsum tau paub⁷ txog cov xwm txheej uas siv los ua lub chiv keeb rau koj qhov kev tsis txaus siab. Ncuaj sij hawm no tuaj yeem txuas ntiv tau yog tias koj tuaj yeem qhia tau tias koj raug txwv txiav tsis pub ua ntaub ntawv thov lub rooj sib hais vim hais tias lub cheeb tsam tsev kawm tau dag yam tsis muaj

⁵ Cov lus piav qhia txog tus txheej txheem kev sib kho yog tuaj yeem mus nrhiav tau ntawm DESE Tus Vev Xaib ntawm <http://www.mass.gov/anf/hearings-and-appeals/bureau-of-special-education-appeals-bsea/mediation/>.

⁶ <https://www.mass.gov/info-details/learn-about-mediation-at-the-bsea>

⁷ Lo lus tias “los sis tsim nyog yuav tsum tau paub” yog qhia rau koj tias koj muaj kev thaj tsob los ua kom paub txog koj tus tub ntxhais kawm qhov program.

tseeb tias nws yeej tau hais daws qhov teeb meem hauv koj qhov kev tsis txaus siab tiav tag lawm los sis yog tias lub cheeb tsam tsev kawm tau muab qee cov ntaub ntawv uas xav tau tuav tseg tsis muab rau koj.

Koj los sis koj lub cheeb tsam tsev kawm yuav tuaj yeem ua ntawv thov [lub rooj sib hais kev tsis txaus siab](#)⁸ rau lwm tog neeg thiab xa ib daim ntawv theej mus rau BSEA kom tau txais lub rooj sib hais raws kev ncaj ncees. BSEA tau tsim [Daim Foos Thov Lub Rooj Hais](#)⁹ uas koj yuav tuaj yeem siv, los sis koj tuaj yeem sau koj tus kheej tsab ntawv los hloov kev siv daim foos tau, tab sis koj yuav tsum nco ntsoov sau koj tus tub ntxhais kawm lub npe thiab chaw nyob (los sis cov ntaub ntawv tiv tauj yog tias tus tub ntxhais kawm tsis muaj vaj tsev nyob); lub npe ntawm koj tus tub ntxhais kawm lub tsev kawm; ib qho lus piav qhia txog qhov teeb meem uas koj txhawj xeeb txog, suav nrog cov lus qhia qhov tseeb tshwj xeeb ntsig txog qhov teeb meem; thiab txoj hau kev daws teeb meem uas xav kom ua. Thov nco ntsoov tias lub rooj sib hais yuav txwv rau cov teeb meem uas tau teev tseg hauv qhov kev tsis txaus siab nkaus xwb.

Koj yuav tsum xa koj daim ntawv thov lub rooj sib hais raws kev ncaj ncees mus rau lub cheeb tsam tsev kawm (los sis lwm tog neeg tuaj hauv qhov kev tsis txaus siab) thiab ib daim ntawv theej mus rau BSEA. Yog tias kev hais kev tsis txaus siab raws kev ncaj ncees tsis muab cov ntaub ntawv txaus, ces tog neeg sab tov tuaj yeem tawm tsam los muab cov ntaub ntawv *kom txaus* tsis pub dhau 15 hnuv. BSEA yuav txiav txim siab seb qhov kev tsis txaus siab puas muaj ntaub ntawv txaus hauv 5 hnuv txij li hnuv tau txais kev tawm tsam. Cov ntaub ntawv ntau ntxiv yog tuaj yeem muab ntxiv rau qhov kev tsis txaus siab tau yog tias tog neeg sab tov pom zoo los sis yog tus tub coj xwm saib xyuas lub rooj sib hais tso cai. Txawm li cas los xij, yog hais tias muab ib co teeb meem los ntxiv rau qhov kev tsis txaus siab nyob rau yav tom qab, ces yuav pib suav lub sij hawm sib hais dua tshiab.

Yog tias tsis muaj kev tawm tsam rau qhov muaj ntaub ntawv txaus rau qhov kev tsis txaus siab, ces tus txheej txheem sib hais yuav ua txuas ntxiv mus. Yog tias lub cheeb tsam tsev kawm tsis tau xa [tsab ntawv ceeb toom ua ntej](#) tuaj rau koj hais txog qhov teeb meem uas koj tsis txaus siab rau, ces lub cheeb tsam tsev kawm yuav tsum xa ib tsab ntawv teb rau koj qhov kev tsis txaus siab tsis pub dhau 10 hnuv tom qab tau txais koj daim ntawv thov lub rooj sib hais raws kev ncaj ncees.

Nco Tseg: Yog *lub cheeb tsam tsev kawm* twb yeej ua daim ntawv thov lub rooj sib hais raws kev ncaj ncees lawm, *ces leej niam leej txiv yuav tsum teb rov qab* tsis pub dhau 10 hnuv tom qab tau txais daim ntawv thov lub rooj sib hais, thiab tshwj xeeb tshaj mas yuav tau teb cov teeb meem uas lub cheeb tsam tsev kawm tau hais txog.

Tom qab koj ua daim ntawv thov lub rooj sib hais raws kev ncaj ncees, lub cheeb tsam tsev kawm muaj sij hawm 30 hnuv los ua hauj lwm nrog koj los hais daws qhov kev tsis pom zoo ua ntej yuav qhib lub rooj sib hais raws kev ncaj ncees.¹⁰

Lub cheeb tsam tsev kawm yuav tsum tau qhib lub rooj sib tham daws teeb meem tsis pub dhau 15 hnuv tom qab tau txais koj qhov kev tsis txaus siab raws kev ncaj ncees.¹¹ Lub cheeb tsam tsev kawm yuav nrog koj txiav txim txog qhov no uas yog cov neeg ntawm Pab Pawg Saib Xyuas IEP yuav tsum tuaj koom lub rooj sib tham. Ib tug neeg hauv lub cheeb tsam tsev kawm uas tuaj yeem txiav txim siab txog koj tus tub ntxhais kawm qhov program yuav tsum tau tuaj koom lub rooj sib

⁸Cov ntaub ntawv hais txog kev thov lub rooj sib hais raws kev ncaj ncees yog tuaj yeem nrhiav tau ntawm: <http://www.mass.gov/anf/hearings-and-appeals/bureau-of-special-education-appeals-bsea/due-process-hearings/>.

⁹ <https://www.mass.gov/doc/hearing-request-form/download>

¹⁰ Yog tias koj thiab lub cheeb tsam tsev kawm pom zoo los sib kho lawm, ces koj tuaj yeem pom zoo siv qhov kev sib kho txuas mus ntxiv tau tom qab ncuaj sij hawm 30 hnuv.

¹¹ Tsis tas yuav muaj lub rooj sib tham daws teeb meem yog tias lub cheeb tsam tsev kawm yog tus thov lub rooj sib hais raws kev ncaj ncees

tham. Lub cheeb tsam tsev kawm tus kws lij choj *yuav tsis tuaj yeem* tuaj koom tau tshwj kiag tias yog koj yeej muaj ib tug kws lij choj tuaj koom lub rooj sib tham lawm thiab xwb.

Koj yuav tsum tuaj koom lub rooj sib tham daws teeb meem tshwj kiag tias yog tias koj *thiab* lub cheeb tsam tsev kawm yeej sib cog pom zoo yam sau ua ntaub ntawv lawm tias tsis tas yuav muaj lub rooj sib tham li los sis yog tias koj thiab lub cheeb tsam tsev kawm txiav txim siab siv [tus txheej txheem kev sib kho lawm](#). Yog tias koj tsis kam koom nrog lub rooj sib tham daws teeb meem, ces lub rooj sib hais yuav tsis mus tom ntej.

Yog tias koj txaus siab tuaj koom, tab sis lub cheeb tsam tsev kawm tsis kam los sis ncuu lub rooj sib tham daws teeb meem ntau dua 15 hnuv tom qab tau txais tsab ntawv ceeb toom txog koj qhov kev thov lub rooj sib hais, ces koj tuaj yeem thov kom tus tub coj xwm saib xyuas lub rooj sib hais kav tsij ua raws li tus txheej txheem lub rooj sib hais txuas mus tom ntej. Yog tias koj tuaj mus koom, tab sis lub cheeb tsam tsev kawm tsis hais daws qhov kev tsis txaus siab kom koj txaus siab hauv sij hawm 30 hnuv tom qab koj ua ntawv hais kev tsis txaus siab, ces lub rooj sib hais raws kev ncaj ncees yuav ua txuas mus tom ntej.

Tus txheej txheem kev daws teeb meem yuav xaus thaum muaj ib qho ntawm cov xwm txheej hauv qab no tshwm sim:

- Thaum koj thiab lub cheeb tsam tsev kawm sib cog pom zoo yam sau ua ntaub ntawv tias kom muab ncuu sij hawm daws teeb meem xaus tseg;
- Thaum tag 30 hnuv ntawm ncuu sij hawm daws teeb meem;
- Thaum tag qhov kev sib kho; los sis
- Thaum koj thiab ib tug neeg ua hauj lwm hauv lub cheeb tsam tsev kawm kos npe rau ib daim ntawv uas sau txog koj qhov kev pom zoo tias hais daws tau koj qhov kev tsis txaus siab. Qhov no yog “daim ntawv pom zoo daws teeb meem” thiab tuaj yeem coj mus yuam siv tau los ntawm lub lav los sis tsoom hwi teb chaws lub tsev hais plaub. Nco ntsoov tias yog koj thiab lub cheeb tsam tsev kawm sib cog pom zoo tau los ntawm lub rooj sib tham daws teeb meem, ces koj los sis lub cheeb tsam tsev kawm yuav tuaj yeem thim qhov kev sib cog pom zoo tau nyob rau hauv sij hawm 3 hnuv ua hauj lwm txij li lub sij hawm uas koj thiab lub cheeb tsam tsev kawm tau kos npe rau daim ntawv pom zoo.

6.5 MUAB KOJ COV NTAUB NTAWV POV THAWJ RAU IB TUG TUB COJ XWM SAIB XYUAS LUB ROOJ SIB HAIS YAM NCAJ NCEES THAUM TXOG LUB ROOJ SIB HAIS RAW KAV NCAJ NCEES

Thaum koj ua daim ntawv hais kev tsis txaus siab raws kev ncaj ncees, ces BSEA yuav teem sij hawm rau hnuv qhib lub rooj sib hais, teev ib tug tub coj xwm saib xyuas lub rooj sib hais, thiab xa cov ntaub ntawv qhia ntxaws txog tus txheej txheem lub rooj sib hais thiab daim ntawv teev cov npe kws lij choj pab dawb los sis luv nqi qis thiab cov neeg pab tswv yim uas koj yuav tuaj yeem tiv tauj thov kev pab tau tuaj rau koj.

Thaum lub sij hawm qhib lub rooj sib hais raws kev ncaj ncees koj thiab lub cheeb tsam tsev kawm yuav nyias muab nyias cov pov thawj thiab cov lus tim khawv ntawm cov neeg ua tim khawv rau tus tub coj xwm saib xyuas lub rooj sib hais uas coj ncaj nruab nrab los ntawm BSEA. Nyob rau txhua lub rooj sib hais raws kev ncaj ncees, suav nrog lub rooj sib hais ntsig txog cov txheej txheem kev rau txim, koj yuav tuaj yeem:

- coj nrog, sab laj thiab sawv cev los ntawm tus kws lij choj thiab/los sis tus kws pab tswv yim tau;
- cia koj tus tub ntxhais kawm tuaj koom lub rooj sib hais;
- qhib lub rooj sib hais rau zej tsoom paub;
- muab tej pov thawj xws li cov ntaub ntawv thiab cov ntawv tshaj qhia;
- thov, los sis hais kom tus neeg ua tim khawv yuav tsum tau tuaj rau lub rooj sib hais thiab teb cov lus nug los ntawm kev ua daim ntawv caw;
- saib tej pov thawj uas yuav tsum tau siv nyob rau ntawm lub rooj sib hais yam tsawg kawg tsib hnuv ua hauj lwm ua ntej txog lub sij hawm thiab thov kom tus tub coj xwm saib xyuas lub rooj sib hais khaws tej pov thawj uas koj tseem tsis tau pom; thiab

- tau txais daim ntawv zwm tseg txog qhov tseeb uas nrhiav pom thiab daim ntawv txiav txim siab yam sau ua ntaub ntawv los sis, ua es lev thaus niv, ua lus hais raws li koj xaiv yam koj tsis tau them nqi dab tsi. Txhawm rau kom tau txais cov ntaub ntawv zwm txog lub rooj sib hais, koj yuav tsum tau thov yam sau ua ntaub ntawv.

Cov ntaub ntawv ntau ntiv hais txog cov rooj sib hais raws kev ncaj ncees yog tuaj yeem tau txais los ntawm BSEA ntawm 781-397- 4750 thiab los ntawm BSEA Tus vev xaib: <http://www.mass.gov/dala/bsea>.

Cov rooj sib hais yog yuav ua raws li Massachusetts Tsab Cai Hais Txog Tus Txheej Txheem Fab Kev Tswj Hwm¹² thiab BSEA [Cov Kev Cai Hais Txog Lub Rooj Sib Hais](#).¹³ Tus tub coj xwm saib xyuas lub rooj sib hais yuav tsum tawm tsab ntawv txiav txim siab qib kawg tsis pub dhau 45 hnuv txij li hnuv tag lub sij hawm daws teeb meem uas tau piav qhia saum toj no tshwj kiag tias yog tus tub coj xwm saib xyuas lub rooj sib hais tau tso cai txuas lub sij hawm mus ntiv raws li kev thov tuaj ntawm ib tog neeg twg. Tus tub coj xwm saib xyuas lub rooj sib hais yuav xa daim ntawv theej ntawm tsab ntawv txiav txim tuaj rau koj thiab rau lub cheeb tsam tsev kawm. Tag nrho leej niam leej txiv thiab lub cheeb tsam tsev kawm yuav tsum ua raws li qhov kev txiav txim siab ntawm tus tub coj xwm saib xyuas lub rooj sib hais.

Tus tub coj xwm saib xyuas lub rooj sib hais qhov kev txiav txim siab tias seb koj tus tub ntshais kawm puas yuav tau txais FAPE yog yuav saib raws li qhov kev tshawb pom tias yeej muaj kev ua txhaum rau koj tus tub ntshais kawm cov cai kev kawm tshwj xeeb los sis kev txiav txim siab tias lub cheeb tsam tsev kawm yeej ua tsis tau raws li lwm yam kev thaj tsob rau koj tus tub ntshais kawm raws li teev tseg hauv txoj cai lij choj thiab cov kev cai hais txog kev kawm tshwj xeeb. Yog tias koj muaj kev tsis txaus siab txog kev ua txhaum rau cov txheej txheem kev kawm tshwj xeeb (xws li kev tsis qhib lub rooj sib tham kom tsim nyog rau pab pawg, kev khaws cov ntaub ntawv cia tsis zoo, los sis tsis ua raws li lub sij hawm) ces tus tub coj xwm saib xyuas lub rooj sib hais *tsuas yuav* xam tias koj tus tub ntshais kawm tsis tau txais FAPE los tsuas yog thaum qhov kev tsis ua raws li cov txheej txheem:

- Tau cuam tshuam rau koj tus tub ntshais kawm txoj cai txog FAPE;
- Muaj kev cuam tshuam loj rau koj lub peev xwm los koom nrog kev txiav txim siab txog koj tus tub ntshais kawm txoj kev kawm; los sis
- Ua rau koj tus tub ntshais kawm tsis tau txais cov txiaj ntsig fab kev kawm.

Qhov kev txiav txim ntawm tus tub coj xwm saib xyuas lub rooj sib hais yuav yog qhov kev txiav txim siab qib kawg ntawm lub chaw hauj lwm thiab yuav tsis tuaj yeem muab coj mus rov txiav txim siab dua los ntawm BSEA los sis hloov kho los ntawm DESE. Cov kev txiav txim siab ntawm lub rooj sib hais yog qhib lug rau zej tsoom¹⁴ thiab yuav muaj nyob rau hauv BSEA Tus vev xaib ntawm <https://www.mass.gov/bsea-decisions-and-rulings>.

6.6 KEV THOV KOM MUAB QHOV KEV TXIAV TXIM NTAWM LUB ROOJ SIB HAIS ROV TXIAV TXIM DUA MUS RAU LUB LAV LOS SIS TSOOM HWV TEB CHAWS LUB TSEV HAIS PLAUB

Yog hais tias leej niam leej txiv los sis lub cheeb tsam tsev kawm tsis pom zoo nrog qhov kev txiav txim siab ntawm tus tub coj xwm saib xyuas lub rooj sib hais, ces lawv muaj peev xwm thov kev tshuaj xyuas qhov kev txiav txim siab ntawd tau los ntawm lub lav los sis tsoom hwv teb chaws lub tsev hais plaub. Daim ntawv thov qhov kev tshuaj xyuas ntawd yuav tsum tau ua tsis pub dhau 90 hnuv txij li hnuv txiav txim.

6.7 COV NQI KWS LIJ CHOJ

34 CFR §300.517

¹² M.G.L. c.30A

¹³ <https://www.mass.gov/doc/hearing-rules/download>

¹⁴ Cov kev txiav txim siab ntawm lub rooj sib hais yeej yuav muab luam tawm tom qab tshem tawm cov ntaub ntawv uas yuav ua rau tuaj yeem txheeb xyuas tus tub ntshais kawm tau.

Txhua tog neeg muaj kev thaj tsob them nws tus kheej cov nqi kws lij choj tshwj kiag tias yog lub tsev hais plaub ho txiav txim ua lwm yam lawm xwb. Yog tias koj tau txais txiaj ntsig zoo nyob rau hauv tsab ntawv txiav txim los ntawm lub rooj sib hais los sis kev hais plaub hauv lub tsev hais plaub, ces lub tsev hais plaub ¹⁵ yuav txiav txim kom lub cheeb tsam tsev kawm yuav tsum them koj cov nqi kws lij choj yam tsim nyog. Txawm li cas los xij, nco ntsoov tias koj yuav tsis tuaj yeem tau txais cov nqi no rau lub sij hawm uas siv los sib foob txog koj qhov teeb meem tom qab lub cheeb tsam tsev kawm tau thov daws teeb meem yog tias

- lub cheeb tsam tsev kawm yeej tau sau tsab ntawv hais txog kev thov daws teeb meem nyob rau 10 hnuv nce mus ua ntej txog lub rooj sib hais lawm,
- koj tsis lees txais qhov kev thov daws teeb meem hauv sij hawm 10 hnuv, thiab
- qhov txiaj ntsig uas tau txais los ntawm lub rooj sib hais yeej tsis zoo tshaj li qhov kev thov daws teeb meem.

Yog tias lub cheeb tsam tsev kawm tau txais qhov kev txiav txim siab uas zoo rau nws, ces lub tsev hais plaub yuav tuaj yeem hais kom koj tus kws lij choj them cov nqi kev cai lij choj rau lub cheeb tsam tsev kawm yog tias lub tsev hais plaub pom tau tias koj tus kws lij choj yog tus ua ntawv hais kev tsis txaus siab los sis yog tus foob txuas ntxiv mus tom qab twb yeej paub lawm tias qhov kev tsis txaus siab no tsis muaj tseeb, tsis tsim nyog, tsis ncaj ncees, los sis ua mus rau lub hom phiaj tsis tsim nyog. Tsis tas li xwb, lub tsev hais plaub kuj tseem yuav tuaj yeem txib kom koj los sis koj tus kws lij choj them cov nqi kev cai lij choj tib si thiab yog tias koj qhov kev thov lub rooj sib hais raws kev ncaj ncees los sis yam uas koj tau ua txuas tom qab yog ua rau lub hom phiaj tsis tsim nyog, xws li kev thab plaub, ua rau muaj kev ncuag lig yam tsis tsim nyog los sis nce cov nqi ntawm kev sib foob yam tsis tsim nyog.

7. Koj Txog Kev Thaj Tsob Yog Dab Tsi Yog Tias Koj Muab Koj Tus Tub Ntxhais Kawm Tso Kawm Rau Hauv Lub Tsev Kawm Ntawv Ntiav Thiab Koj Ntseeg Tias Koj Lub Cheeb Tsam Tsev Kawm Yuav Tsum Tau Them Cov Nqi Kawm Ntawv Rov Qab Rau Koj? 34 CFR §300.148

Muaj qee lub sij hawm thaum leej niam leej txiv ntseeg tias lub cheeb tsam tsev kawm tsis muab FAPE rau tus tub ntxhais kawm thiab leej niam leej txiv txiav txim siab muab tus tub ntxhais kawm tso kawm rau hauv tsev kawm ntawv ntiav. Leej niam leej txiv yuav tuaj yeem sau npe rau nws tus tub ntxhais kawm mus kawm hauv tsev kawm ntawv ntiav los ntawm yus them yus nqi tau txhua lub sij hawm. Txawm li cas los xij, yog tias leej niam leej txiv ntseeg tias lub tsev kawm ntawv zej tsoom yuav tau thaj tsob them tus tub ntxhais kawm cov nqi kawm hauv tsev kawm ntawv ntiav, ces leej niam leej txiv yuav tsum qhia rau lub cheeb tsam tsev kawm paub txog qhov kev tsis pom zoo rau tus tub ntxhais kawm qhov IEP thiab qhov program, tsis lees txais IEP, ceeb toom qhia rau lub cheeb tsam tsev kawm paub txog nws lub hom phiaj uas xav rho tus tub ntxhais kawm tawm thiab muab coj mus sau npe kawm rau hauv tsev kawm ntawv ntiav, thiab thov lub rooj sib hais los ntawm BSEA. Leej niam leej txiv yuav tsum ceeb toom rau lub cheeb tsam tsev kawm ua ntej yuav rho tus tub ntxhais kawm tawm ntawm lub tsev kawm ntawv zej tsoom txawm tias ua lus hais xwb los xij nyob rau ntawm Pab Pawg lub rooj sib tham zaum kawg ua ntej yuav rho tawm los sis yam sau ua ntaub ntawv yam tsawg kawg 10 hnuv ua hauj lwm ua ntej yuav rho tus tub ntxhais kawm tawm hauv lub tsev kawm ntawv.

Lub cheeb tsam tsev kawm tsis tas yuav tau them nqi rau tus tub ntxhais kawm mus kawm rau lub tsev kawm ntawv ntiav yog tias lub cheeb tsam tsev kawm yeej muaj FAPE rau tus tub ntxhais kawm lawm. Kev tsis pom zoo ntawm cov niam cov txiv thiab lub cheeb tsam tsev kawm hais txog tias seb tus tub ntxhais kawm qhov program puas muab FAPE thiab thov kom them nyiaj rov qab rau tus nqi ntawm qhov program ntiav yog yuav tuaj yeem hais daws dhau los ntawm cov txheej txheem hais kev ncaj ncees uas tau muab tham ua ntej hauv daim ntawv no lawm. Tus tub coj xwm saib xyuas lub rooj sib hais yuav txiav txim seb lub cheeb tsam tsev kawm puas muaj FAPE rau koj tus tub ntxhais kawm. Yog tias tus tub coj xwm saib xyuas lub rooj sib hais pom tau tias lub cheeb tsam tsev kawm tsis muab FAPE rau koj tus tub ntxhais kawm, thiab koj yeej ua raws li cov kauj ruam saum toj no lawm, thiab kev muab tso kawm rau lub tsev kawm ntawv ntiav yeej tsim nyog lawm, ces tus tub coj xwm saib xyuas lub rooj sib hais yuav tseev kom lub cheeb tsam tsev kawm them nyiaj rov qab rau koj rau tag nrho los sis ib feem ntawm qhov nqi ntawm

¹⁵ BSEA Tus Tub Coj Xwm Saib Xyuas Lub Roj Sib Hais yuav tsis them cov nqi kws lij choj.

kev muab tso kawm rau lub tsev kawm ntawv ntiav tom qab ntsuam xav txog tag nrho txhua yam ntawm cov xwm txheej uas cuam tshuam txog kev muab tus tub ntxhais kawm rho tawm.

8. Yam Uas Yuav Tsum Tau Ua Los Npaj Rau Koj Tus Tub Ntxhais Kawm Txoj Kev Hloov Pauv Los Ntawm Lub Tsev Kawm Ntawv Theem Siab Yog Muaj Dab Tsi? 34 CFR §300.43

Kev npaj rau koj tus tub ntxhais kawm txoj kev hloov pauv los ntawm lub tsev kawm mus rau lub hwm tsam tom qab kawm tiav yuav pab txhawb koj tus me nyuam txoj kev muaj peev xwm los koom nrog kev ua tej dej num ub no yam tiav log xws li kev kawm tom qab kawm tiav tsev kawm theem siab, kev ua hauj lwm, thiab kev ua lub neej hauv zej zog thiab kev ua neeg laus. Kev npaj rau kev hloov pauv yuav tsum yog saib raws koj tus tub ntxhais kawm lub zog, kev nyiam, kev ntshaw, thiab kev xav tau, yuav tsum pib thaum koj tus tub ntxhais kawm muaj hnuv nyoog 14 xyoo, thiab yuav tsum tau muab los sib tham txhua xyoo nyob rau ntawm Pab Pawg lub rooj sib tham. Lub cheeb tsam tsev kawm yuav tsum sib tham txog koj tus tub ntxhais kawm tej kev xav tau txog kev hloov pauv nrog koj thiab koj tus tub ntxhais kawm¹⁶ thiab yuav tsum xav txog cov hom phiaj rau koj tus tub ntxhais kawm tom qab nws kawm tiav hauv tsev kawm ntawv los ntawm kev kawm tiav tsev kawm theem siab los sis thaum muaj hnuv nyoog txog 22 xyoo. Cov cheeb tsam tsev kawm yuav tsum siv [Daim Foos Npaj Phiaj Xwm Rau Kev Hloov Pauv](#)¹⁷ los zwm cov txiaj ntsig ntawm qhov kev sib tham hauv ib xyoo puag ncig no. Tus tub ntxhais kawm qhov IEP yuav tsum muaj cov hom phiaj kev hloov pauv tom qab tsev kawm theem nrab uas tuaj yeem ntsuas tau, cov hom phiaj thiab cov kev pab cuam raws li qhov kev ntsuam xyuas uas tsim nyog txog nws qhov kev xiam oob qhab thiab kev xav tau fab kev hloov pauv. Kev kawm tiav daim ntawv kawm tiav tsev kawm theem siab li ib txwm yog kev hloov pauv kev muab tso kawm thiab xaus tus tub ntxhais kawm qhov kev muaj cai tsim nyog tau txais kev kawm tshwj xeeb. Lub cheeb tsam tsev kawm yuav tsum ceeb toom qhia rau koj paub yog thiab thaum twg lub cheeb tsam tsev kawm xav kom koj tus tub ntxhais kawm kawm tiav daim ntawv kawm tiav tsev kawm theem siab. Qhov kev sib tham no yuav tsum sib tham nyob rau thaum qhib Pab Pawg lub rooj sib tham tsis pub tsawg dua 1 xyoo ua ntej tus tub ntxhais kawm kawm tiav.

¹⁶ Tus tub ntxhais kawm yuav tsum raug caw tuaj koom Pab Pawg lub rooj sib tham txhawm rau tham txog cov hom phiaj thiab kev hloov pauv tom qab kawm tiav tsev kawm theem siab.

¹⁷ <https://www.doe.mass.edu/specialeducation/iep/28mr/default.html>

9. Lub Tsev Kawm Ntawv Yuav Rau Txim Rau Tus Tub Ntxhais Kawm Uas Muaj Kev Xiam Oob Qhab Li Cas? 34 CFR §300.530

Cov tsev kawm ntawv zej tsoom yuav tsum muaj cov txheej txheem thiab cov tsuam kab los ua kom ntseeg tau tias muaj thaj chaw rau kev kawm uas nyab xeeb rau cov tub ntxhais kawm. Cov tsev kawm ntawv zej tsoom yuav tsum muaj cov txheej txheem thiab cov tsuam kab los ua kom ntseeg tau tias muaj thaj chaw kev kawm uas nyab xeeb rau cov tub ntxhais kawm. Yog tias tus tub ntxhais kawm ua koj cwj pwm tsis zoo thiab ua txhaum lub tsev kawm ntawv txoj cai hais txog kev koj ua, ces lub tsev kawm yuav rau txim rau tus tub ntxhais kawm. Kev rau txim yog yuav tsum muaj kev ncaj ncees thiab cuaj pluag sib luag yim pluaj sib nte.

Feem ntau, txhua tus tub ntxhais kawm yuav raug ncuu kev kawm los sis raug rho tawm tsev kawm rau ib ncuu sij lawm luv-luv vim kev raug rau txim, uas yog tsis pub dhau 10 hnuv. Ua ntej yuav muab rho tawm los sis muab ncuu kev kawm, tus tub ntxhais kawm yuav tsum tau txais kev qhia txog yam uas iab liam tias nws tau ua thiab yuav tsum tau muab lub hwm tsam rau nws los piav qhia txog ntawm nws sab hauv lub sij hawm muab rho tawm ib ncuu luv-luv vim kev raug rau txim, ces lub tsev kawm tsis tas yuav qhia ntawv rau tus tub ntxhais kawm xiam oob qhab tshwj kias tias yog yeej ua li ntawd rau cov tub ntxhais kawm uas tsis xiam oob qhab lawm xwb. Thaum tus tub ntxhais kawm xiam oob qhab raug tshem tawm ntawm lub tsev kawm ntawv mus ntau tshaj 10 hnuv sib law liag nyob rau hauv lub xyoo kawm ntawv ces tus tub ntxhais kawm yuav tsum tau txais cov kev pab fab kev kawm uas yuav ua rau tus tub ntxhais kawm tuaj yeem mus koom txoj kev kawm ntawv nthuav dav tau thiab kom mus txog lub hom phiaj uas tau teev tseg nyob rau hauv nws txoj IEP. Cov tub koj xwm hauv tsev kawm ntawv yuav tsum sab laj nrog yam tsawg kawg ib tug ntawm tus tub ntxhais kawm cov kws qhia ntawv txhawm rau txiav txim txog yam kev pab cuam uas tsim nyog. Cov kev pab cuam no yuav tsum tau pib rau hnuv kawm ntawv thib 11 uas tus tub ntxhais kawm raug rho tawm vim kev raug rau txim hauv lub xyoo kawm thiab txuas ntxiv mus nyob rau lub sij hawm raug rho tawm vim kev raug rau txim.

Cov tsev kawm ntawv yuav tsum ua raws li cov cai hais txog kev rau txim tshwj xeeb rau cov tub ntxhais kawm xiam oob qhab uas pom tau tias muaj cai tsim nyog tau txais kev kawm tshwj xeeb.¹⁸ Daim phiaj piav qhia txog kev siv cov cai hais txog kev rau txim no yog tuaj yeem nrhiav tau ntawm DESE Tus vev xaib.¹⁹ Cov cai hais txog kev rau txim tshwj xeeb no yuav siv tau sai li sai thaum tus tub ntxhais kawm raug rho tawm ntawm nws qhov kev tso kawm²⁰ tam sim no ntau dua 10 hnuv sib law liag, los sis yog tias tus tub ntxhais kawm raug rho tawm vim kev raug rau txim xam ua ke tag nrho ntau tshaj li 10 hnuv hauv ib lub xyoo kawm thiab muaj cov qauv txog kev rho tawm rau kev koj tus cwj pwm uas sib piv tau. Lub tsev kawm ntawv yuav tsum ceeb toom rau koj sai li sai tau thaum muaj kev txiav txim siab rho koj tus tub ntxhais kawm tawm ntawm nws qhov kev tso kawm mus ntau tshaj 10 hnuv thiab muab ib daim ntawv theej ntawm Tsab Ntawv Ceeb Toom no rau koj.

Tus tub ntxhais kawm Pab Pawg Saib Xyuas IEP yuav tsum qhib rooj sib tham tsis pub dhau 10 hnuv txij li hnuv lub tsev kawm tau txiav txim siab yuav rau txim rau tus me nyuam. Nyob rau ntawm lub rooj sib tham no, uas yog hu ua *“kev txiav txim siab txog yam uas koj ua tawm los,”* koj thiab lwm tus neeg ntawm Pab

¹⁸ Tsis tas li xwb, cov cai hais txog kev rau txim rau kev kawm tshwj xeeb kuj tseem siv rau qee tus tub ntxhais kawm uas tseem tsis tau pom tias muaj cai tsim nyog tau txais kev kawm tshwj xeeb tib si thiab. Ua ntej yuav muaj qhov kev koj ua uas muaj teeb meem no tshwm sim, yog tias leej niam txiv yeej tau qhia txog nws qhov kev txhawj xeeb tias tej zaum tus tub ntxhais kawm yuav muaj kev xiam oob qhab yam sau ua ntaub ntawv mus rau tus neeg saib xyuas los sis tus neeg tswj hwm los sis tus tub ntxhais kawm tus kws qhia lawm; yog tias tus kws qhia los sis lwm tus neeg ua hauj lwm yog tus hais txog qhov kev txhawj xeeb txog tus tub ntxhais kawm tus yam ntxwvkev koj tus cwj pwm ncaj qha rau tus thawj koj saib xyuas kev kawm tshwj xeeb los sis lwm tus neeg saib xyuas, los sis yog tias tus tub ntxhais kawm yeej raug xa mus rau qhov kev ntaus nqi xyuas uas tseem ua tsis tau ua tiav ces kuj yuav siv cov cai tshwj xeeb no. Yuav tsis siv cov cai hais txog kev rau txim rau kev kawm tshwj xeeb yog tias leej niam leej txiv tsis kam muab kev pom zoo tso cai ua qhov kev ntaus nqi xyuas, yog tias yeej pom tau tias tus tub ntxhais kawm tsis muaj cai tsim nyog tau txais kev kawm tshwj xeeb nyob rau yav dhau los lawm, los sis yog tias leej niam leej txiv tau thim qhov kev pom zoo tso cai rau kev kawm tshwj xeeb thiab cov kev pab cuam uas cuam tshuam lawm.

¹⁹ <https://www.doe.mass.edu/specialeducation/policy/dese/advisories/default.html>

²⁰ Kev tso kawm yog Pab Pawg Saib Xyuas IEP ua tus txiav txim thiab yog qhov chaw uas yuav muab cov kev pab cuam IEP.

Pawg Saib Xyuas IEP yuav txiav txim siab seb qhov kev coj tus cwj pwm tsis zoo yog tshwm sim los ntawm los sis muaj kev cuam tshuam ncaj qha rau tus tub ntshais kawm qhov kev xiam oob qhab, los sis yog yam uas tshwm sim ncaj qha ntawm qhov uas lub tsev kawm tsis muab cov kev pab cuam uas tau teev tseg hauv tus tub ntshais kawm txoj IEP. Nyob rau kev txiav txim siab txog yam uas coj ua tawm los, koj thiab lwm tus neeg ntawm Pab Pawg IEP yuav tsum ntsuam xav txog cov ntaub ntawv cuam tshuam los ntawm koj tus tub ntshais kawm cov ntaub ntawv, xws li koj tus tub ntshais kawm txoj IEP, koj thiab tus kws qhia ntawv qhov kev soj qab saib koj tus tub ntshais kawm tus cwj pwm, thiab txhua yam ntaub ntawv cuam tshuam uas koj muab.

Yog tias pab pawg txiav txim siab tias tus tub ntshais kawm tus cwj pwm *tsis* yog tshwm sim los ntawm los sis cuam tshuam ncaj qha rau tus tub ntshais kawm qhov kev xiam oob qhab los sis kev tsis ua raws li txoj IEP kom raug, ces tus tub ntshais kawm xiam oob qhab yuav tuaj yeem raug rau txim zoo tib yam thiab ntev tib yam nkaus li lwm tus tub ntshais kawm uas raug rau txim rau tib qho kev ua txhaum. Txawm li cas los xij, Pab Pawg Saib Xyuas IEP yuav tsum txiav txim siab txog qhov chaw kawm ua kev xaiv ib vuag (IAES) uas yog qhov chaw uas yuav muab tus tub ntshais kawm mus tso rau thiab yuav muab cov kev pab cuam fab kev kawm rau. IAES yog qhov chaw uas tsis yog qhov muab tus tub ntshais kawm tso kawm nyob rau tam sim no uas yuav pab kom tus tub ntshais kawm tau txais cov kev pab cuam fab kev kawm txuas ntxiv mus raws li nws txoj IEP. Cov neeg ua hauj lwm hauv lub tsev kawm yuav tuaj yeem ntsuam xav txog tus tub ntshais kawm cov xwm txheej tshwj xeeb thaum txiav txim siab tias seb puas tsim nyog muaj kev hloov pauv rau kev muab tso kawm rau tus tub ntshais kawm xiam oob qhab.

Yog tias Pab Pawg txiav txim siab tias tus tub ntshais kawm tus cwj pwm *yog* tshwm sim los ntawm los sis cuam tshuam ncaj qha rau tus tub ntshais kawm qhov kev xiam oob qhab los sis kev tsis ua raws li txoj IEP kom raug, ces tus tub ntshais kawm yuav tsum raug xa rov qab mus rau qhov chaw tso kawm IEP uas tau txais kev pom zoo zaum kawg nkaus tshwj kiag tias yog koj thiab Pab Pawg Saib Xyuas IEP ho txiav txim siab rau lwm qhov chaw tso kawm sib txawv lawm xwb. Tsis tas li xwb, tus tub ntshais kawm kuj tseem yuav tsum tau muab qhov kev ntsuam xyuas tus cwj pwm kev ua hauj lwm tib si thiab. Kev ntsuam xyuas tus cwj pwm kev ua hauj lwm los sis FBA yog ib qho kev ntsuam xyuas txog tus cwj pwm uas yuav muab cov ntaub ntawv hais txog tus tub ntshais kawm tus cwj pwm rau Pab Pawg Saib Xyuas IEP thiab teev cov kev cuam tshuam pab tus cwj pwm thiab kev hloov kho qhov program uas tsim los hais daws qhov kev ua txhaum vim tus cwj pwm kom tsis txhob rov tshwm sim dua. Yog tias tus tub ntshais kawm twb yeej tau txais kev ntsuam xyuas tus cwj pwm kev ua hauj lwm lawm thiab muaj txoj phiaj xwm kev cuam tshuam pab tus cwj pwm lawm, ces Pab Pawg Saib Xyuas IEP yuav tsum txiav txim siab tias seb puas yuav tsum tau muaj kev hloov pauv li cas rau txoj phiaj xwm kev cuam tshuam pab tus cwj pwm. Yog tias tus cwj pwm yog tshwm sim los ntawm kev tsis ua raws li txoj IEP kom raug, ces lub tsev kawm ntawv yuav tsum tau nqis tes ua tam siv los kho qhov ua tau tsis zoo txaus.

Nco ntsoov tias yog tias koj tus tub ntshais kawm muaj los sis siv riam phom los sis tshuaj muaj yees, los sis ua rau lwm tus lub cev raug mob hnyav nyob rau ntawm lub tsev kawm ntawv thaj chaw los sis ntawm lub tsev kawm ntawv cov koom txoos ces tej zaum koj tus tub ntshais kawm yuav tuaj yeem raug tus thawj saib xyuas lub tsev kawm muab tso kawm rau hauv IAES mus txog 45 hnuv kawm ntawv yam tsis xav txog tias seb tus cwj pwm ntawd puas yog qhov tshwm sim los ntawm tus tub ntshais kawm qhov kev xiam oob qhab. Pab Pawg Saib Xyuas IEP yuav txiav txim siab txog IAES thiab cov kev pab cuam fab kev kawm tsim nyog uas yuav muab rau tus tub ntshais kawm thaum nws nyob rau hauv IAES.

9.1 KEV THOV KOM ROV TXIM DUA RAU QHOV KEV TXIAV TXIM SIAB TXOG KEV MUAB RAU TXIM

Yog tias leej niam leej txiv tsis pom zoo nrog ib qho kev txiav txim siab twg hais txog kev tso nws tus tub ntshais kawm raws li cov cai hais txog kev rau txim los sis tsis pom zoo nrog qhov kev txiav txim siab txog yam uas coj ua tawm los, los sis yog tias lub cheeb tsam tsev kawm ntseeg tias kev hwj xwm tus tub ntshais kawm qhov kev tso kawm tam sim no cia muaj feem yuav ua rau muaj kev raug mob rau tus tub ntshais kawm los sis rau lwm tus, ces leej niam leej txiv los sis lub cheeb tsam tsev kawm yuav tuaj yeem thov kom rov txiav txim dua rau qhov kev txiav txim siab tau los ntawm [kev thov lub rooj](#)

[sib hais](#) nrog BSEA, raws li tau piav qhia los ua ntej hauv daim ntawv no.

BSEA yuav teem lub rooj sib hais ltxog kev muab tso kawm vim kev raug rau txim los sis kev txiav txim siab txog yam uas coj ua tawm los raws lub sij hawm maj ceev.²¹ Thaum lub sij hawm thov kom rov txiav txim dua txog qhov kev muab tso kawm vim kev raug rau txim los sis kev txiav txim siab txog yam uas coj ua tawm los, ces tus tub ntxhais kawm yuav tsum nyob twj ywm rau hauv IAES kom txog thaum tus tub coj xwm saib xyuas lub rooj sib hais txiav txim siab lawm los sis tag ncuaj sij hawm kev raug rau txim, tshwj kias tias yog leej niam leej txiv thiab lub cheeb tsam tsev kawm sib cog pom zoo rau lwm qhov chaw tso kawm uas sib txawv.

10. Yuav Tuaj Yeem Nrhiav Tau Cov Cai Lij Choj Thiab Cov Kev Cai Thiab Lwm Yam Ntaub Ntawv Tseem Ceeb Nyob Qhov Twg?

10.1 COV CAI LIJ CHOJ THIAB COV KEV CAI

Koj tuaj yeem nrhiav tau cov ntsiab lus tag nrho ntawm lub lav txoj cai lij choj hais txog Kev Kawm Tshwj Xeeb hauv Massachusetts Tsab Cai Lij Choj Nthuav Dav Tshooj 71B. Lub lav txoj cai lij choj yog tib neeg nyiam muab hu ua “Tshooj 766.” Lub lav cov kev cai txog kev kawm tshwj xeeb yog tuaj yeem nrhiav tau nyob rau hauv Massachusetts Tsab Niam Cai (CMR) ntawm 603 CMR 28.00. Txoj cai lij choj thiab cov kev cai thiab lwm yam peev txheej uas muaj txiaj ntsig yog muaj nyob rau hauv DESE Tus vev xaib.²²

Tsoom hwmv teb chaws txoj cai lij choj hais txog kev kawm tshwj xeeb yog Tsab Cai Hais Txog Kev Kawm Rau Cov Neeg Xiam Oob Qhab, uas muab hu ua “IDEA.” Tsoom hwmv teb chaws txoj cai yog nyob rau hauv Teb Chaws Meskas Tsab Niam Cai ntawm 20 U.S.C. § 1400. Cov kev cai hais txog kev siv tsab cai IDEA yog tuaj yeem mus nrhiav tau nyob rau hauv Tsoom Hwmv Teb Chaws Tsab Niam Cai (CFR) ntawm Tshooj 34, Nqe 300. Daim ntawm theej ntawm tsoom hwmv teb chaws txoj cai lij choj thiab cov kev cai thiab cov ntaub ntawv piav qhia yog tuaj yeem mus nrhiav tau ntawm Teb Chaws Meskas Feem Hauj Lwm Saib Xyuas Kev Kawm Tus vev xaib ntawm <http://idea.ed.gov/>.

10.2 COV LUS QHIA THIAB COV FOOS RAU TUS TXHEEJ TXHEEM HAUV QHOV PROGRAM KEV KAWM RAU LEEJ NEEG

Qhov kev qhia nthuav dav txog txoj hau kev ua hauj lwm ntawm tus txheej txheem kev kawm tshwj xeeb (muab los ntawm phau ntawv qhia txog IEP uas npaj los ntawm USDOE) tuaj yeem mus nrhiav tau ntawm <https://www.doe.mass.edu/specialeducation/iep/default.html>.

Hais txog rau DESE qhov kev piav qhia txog txoj hau kev tsim qhov IEP, mus saib Phau Ntawv Qhia txog Tus Txheej Txheem IEP thiab cov foos IEP raws tus tsuam kab yog muaj nyob rau hauv DESE Tus vev xaib: <https://www.doe.mass.edu/specialeducation/iep/default.html>.

10.3 DAIM PHIAJ TEEV COV LUS UAS MUAB SAU ZUAJ KOM LUV-LUV

Muaj ntau kab lus hais txog kev kawm tshwj xeeb uas nquag siv yog muab sau zuaj luv-luv los ntawm cov ntawv sau luv-luv uas muaj thawj tug niam ntawv ntawm kab lus. Txhawm rau kom muaj kev yooj yim rau koj, cov lus sau zuaj luv-luv thiab cov kab lus uas siv hauv daim ntawv no yog tau muab teev tseg hauv qab no:

BSEA: Lub Chaw Hauj Lwm Saib Xyuas Kev Thov Kom Rov Txiav Txim Dua Txog Kev Kawm

²¹ [Saib BSEA Txoj Cai Hais Txog Lub Roj Sib Hais II.C. Lub Roj Sib Hais Kom Ceev](#). nplooj 7.

Tshwj Xeeb
 CFR: Tsoom Hwv Teb Chaws Tsab Niam Cai
 CMR: Massachusetts Tsab Niam Cai
 DESE: Massachusetts Feem Hauj Lwm Saib Xyuas Kev Kawm rau Tsev Kawm Theem Pib
 thiab Theem Nrab
 FAPE: Kev Kawm Ntawv Zej Tsoom Tsim Nyog Pub Dawb
 FBA: Kev Ntsuam Xyuas Tus Cwj Pwm Kev Ua Hauj Lwm
 IAES: Qhov Chaw Kawm Ua Kev Xaiv Ib Vuag
 IDEA: Tsab Cai Hais Txog Kev Kawm Rau Cov Neeg Xiam Oob Qhab
 IEE: Kev Ntaus Nqi Xyuas Kev Kawm Ywj Pheej
 IEP: Qhov Program Kev Kawm Rau Leej Neeg
 PRS: Lub Laj Txheej Kev Hais Daws Teeb Meem

10.4 DAIM PHIAJ TEEV COV VEV XAIB

DESE luam tawm cov ntaub ntawv ntau yam rau cov niam cov txiv thiab cov cheeb tsam tsev kawm nyob rau hauv nws Cov Vev Xaib is taws nem. Cov Vev Xaib no muaj cov kev cai lij choj uas cuam tshuam, cov cai ntawm lub chaw hauj lwm thiab cov ntaub ntawv muaj txiaj ntsig uas piav qhia txog tus txheej txheem kev kawm tshwj xeeb.

Tus Kab Mob Hlwb Taj:

<https://www.doe.mass.edu/specialeducation/families/links/autism.html>

Lub Chaw Hauj Lwm Saib Xyuas Kev Thov Kom Rov Txiaj Txim Dua Txog Kev Kawm Tshwj Xeeb:

<https://www.mass.gov/bsea-decisions-and-rulings>

<https://www.mass.gov/doc/hearing-rules-revised-july-2024/download>

<http://www.mass.gov/anf/hearings-and-appeals/bureau-of-special-education-appeals-bsea/mediation/>

<https://www.mass.gov/doc/bsea-mediation-brochure/download>

<https://www.mass.gov/info-details/frequently-asked-questions-about-meditation-at-the-bsea>

<https://www.mass.gov/info-details/learn-about-meditation-at-the-bsea>

Kev Pom Zoo Tso Cai rau Kev Nkag Mus Siv MassHealth (Medicaid):

http://www.doe.mass.edu/sped/advisories/13_1.html

Kev Rau Txim:

<https://www.doe.mass.edu/sfs/discipline/?section=view-all>

Tsab Cai Hais Txog Kev Kawm Rau Cov Neeg Xiam Oob Qhab:

<http://idea.ed.gov/>

Qhov Program Kev Kawm Rau Leej Neeg:

<https://www.doe.mass.edu/specialeducation/iep/default.html>

Phau Ntawm Qhia txog Tus Txheej Txheem Qhov Program Kev Kawm Rau Leej Neeg:

<https://www.doe.mass.edu/specialeducation/iep/default.html>

Kev Ntaus Nqi Xyuas Kev Kawm Ywj Pheej:

<https://www.doe.mass.edu/specialeducation/policy/dese/advisories/2004-1.html>

<https://www.doe.mass.edu/specialeducation/policy/dese/advisories/memo-sy2024-2025-7.html> Kev

Soj Qab Saib Cov Program Kev Kawm los ntawm Cov Niam Cov Txiv thiab Cov Neeg Uas Lawv

Teeb Tsa rau Lub Hom Phiaj Kev Ntaus Nqi Xyuas:

http://www.doe.mass.edu/sped/advisories/09_2.html

Tsab Ntawv Ceeb Toom txog Kev Tiv Thaiv Raws Tus Txheej Txheem rau Leej Niam Leej Txiv:

<https://www.doe.mass.edu/specialeducation/policy/dese/advisories/2009-2ta.html>

Lub Laj Txheej Kev Hais Daws Teeb Meem rau Cov Kev Pab Cuam Saib Xyuas Qhov Zoo ntawm Qhov Program

<http://www.doe.mass.edu/prs/>

Cov Cai Lij Choj Hais Txog Kev Kawm Tshwj Xeeb:

<https://www.doe.mass.edu/lawsregs/statelaws.html>

Cov Kev Cai Hais Txog Kev Kawm Tshwj Xeeb:

<https://www.doe.mass.edu/lawsregs/stateregs.html>

Leej Niam Leej Txiv Sawv Cev rau Kev Kawm Tshwj Xeeb:

<https://www.doe.mass.edu/specialeducation/policy/dese/advisories/2013surrogateparent.html>

Daim Foos Npaj Phiaj Xwm Rau Kev Hloov Pauv Kev Kawm Tshwj Xeeb:

<https://www.doe.mass.edu/specialeducation/iep/default.html>

Cov Kev Cai Hais Txog Tus Tub Ntxhais Kawm Cov Ntaub Ntawv Zwm Tseg

<http://www.doe.mass.edu/lawsregs/603cmr23.html>

Cov Lus Nug thiab Cov Lus Teb txog Tus Tub Ntxhais Kawm Cov Ntaub Ntawv Zwm Tseg:

<http://www.doe.mass.edu/lawsregs/advisory/cmr23qanda.html?section.>

Kev Npaj Phiaj Xwm rau Kev Hloov Pauv:

<https://www.doe.mass.edu/specialeducation/iep/transition/default.html>